

光緒江西通志

江西通志卷一百三十二

宦績錄十二 饒州府

漢 吳增

唐蒙建元開爲番陽令後拜郎中開夜郎通西南夷史記

西南夷傳

韓當字義公遼西令支人孫策東渡從討三郡遷先登校尉授兵二千騎五十匹從征劉勳破黃祖還討鄱陽

領樂安長山越畏服三國吳志

步騭字子山臨淮淮陰人建安十五年出領鄱陽太守

性寬宏得眾喜怒不形於聲色而外內肅然三國吳志

虞翔章安人鄱陽太守工文章之事立言榮盛勇若春

榮三國吳志虞翻傳引會稽典錄

魏勝字周林會稽上虞人祖父河內太守朗字少英列

在八俊勝性剛直行不苟合雖遭困偪終不回撓歷

山番陽山陰三縣令鄱陽太守

三國吳志吳範傳注引會稽典錄

周魴字子魚吳郡陽羨人少好學舉孝廉爲丹陽西部

都尉黃武中鄱陽大帥彭綺作亂攻沒屬城乃以魴爲

鄱陽太守與胡綜戮力致討遂生禽綺送詣武昌加昭

義校尉尋以計敗曹休賜爵關內侯賊帥董嗣負阻劫

鈔豫章臨川並受其害魴遣間諜授以方策誘狙殺嗣

嗣弟怖懼詣武昌降於陸遜由是數郡無復憂惕在郡

十三年卒賞善罰惡威恩並行

三國吳志

晉

虞溥字允源高平昌邑人也除鄱陽內史大修庠序廣

招學徒移告屬縣謂宜崇尚道素廣開學業以贊協時
雍光揚盛化乃具爲條制於是至者七百餘人溥乃作
誥以獎訓之大旨謂學者不患才不及而患志不立故
曰希驥之馬亦驥之乘希顏之徒亦顏之倫又曰剡而
舍之朽木不知剡而不舍金石可虧積勺成江河累塵
崇峻極匪志匪勤理無由濟也時祭酒求更起屋行禮
溥曰君子行禮無常處也故孔子射於矍相之圃而行
禮於大樹之下況今學庭庠序高堂顯敞乎溥爲政嚴
而不猛風化大行有白鳥集於郡庭注春秋經傳撰江
表傳及文章詩賦數十篇卒於洛時年六十二書
王虞字世將琅琊臨沂人元帝鎮江左以爲司馬頻守
廬江郡陽二郡豫討周馥杜弼以功累增封邑書

顧眾字長始吳郡吳人徵拜駙馬都尉奉朝請轉尙書
郎大將軍王敦請爲從事中郎上補南康太守會詔除
鄱陽太守加廣武將軍眾徑之鄱陽不過敦敦甚怪焉
及敦構逆令眾出軍眾遲迴不發敦大怒召眾詰之聲
色甚厲眾不爲動容敦意亦漸釋時敦又怒宣城內史
陸噉眾又辨明之敦長史陸玩在坐代眾危懼出謂眾
曰君眞所謂剛亦不吐柔亦不茹雖仲山甫何以加之
後以討蘇峻功封鄱陽縣伯

晉書

紀瞻字思遠丹陽秣陵人吳豫章太守陟子除鄱陽內
史會蘇峻亂瞻與溫嶠等率舟師赴難官至驃騎將軍
又有紀睦者咸和閒鄱陽太守有討賊功

明一統志
譚案晉書紀

睦傳不言爲鄱陽內史溫嶠傳有之咸帝咸和三年紀
則有鄱陽太守紀睦晉書無睦傳其事不可詳今仍舊

志並列

次考

虞邱進字豫之東海郟人義熙二年除龍驤將軍封龍川縣五等侯盧循偏京邑孟和等建議奉天子過江進廷議不可面折昶等高祖甚嘉之除郿陽太守將軍如故統馬步十八隊東出郿陽至五畝嶠循遣將英糾爲上饒令守故城進攻破之循又遣童敏之爲郿陽太守據郡進從餘干步道趣郿陽敏之退走追破之斬首數百八年除尋陽太守領文武

宋書 謹案舊志虞邱進誤列宋代又不敘郿陽功

續今據宋書本傳改正

謹案舊志有王大如傳稱陳陶人王衍之孫攷衍家世爲琅瑯臨沂非陳陶人當是沿明一統志之誤今去之

齊

柳惔字文暢河東解人少有志行竟陵王引爲法曹行

參軍累遷太子洗馬父憂去官服闋試守祁陽相聽吏屬得盡三年喪禮署之文教百姓稱焉仕梁終吳興太

守

梁書 謹案舊志誤入梁代今改正

梁

陸襄字師卿吳郡吳人中大通六年出爲郡陽內史先是郡民鮮于琛爲亂有衆萬餘人將出攻郡襄先已率民吏修城隍爲備禦及賊至連戰破之生獲琛時鄰郡豫章安成等守宰案治黨與因求賄貨皆不得其實或有善人盡室離禍惟襄郡部枉直無濫民作歌曰鮮于平後善惡分民無枉死賴陸君又有彭李二家先因忿爭遂相誣告襄引入內室不加責誚但和言解喻之二人感恩深自咎悔乃爲設酒食令其盡歡酒罷同載而

還因相親厚民又歌曰陸君政無怨家鬪既罷讐共車
在政六年郡中大治民李睨等四百二十人詣闕拜表
陳襄德化求於郡立碑降敕許之又表乞留襄襄固求
還徵爲吏部郎遷祕書監領揚州大中正梁書
鄭弁字伯禮金華人初令餘干再令鄱陽以愷悌爲政
不事科擾民咸德之嘉靖志
饒州府志
謹案舊志有王質傳列諸宋代質乃梁人且無江右宦
績又柳惲傳後附其子鄱陽內史偃亦無所表見今并
之去

隋

柳莊字思敬河東解人少有遠志雅達政事初事岳陽
王蕭詧及梁國廢授開府儀同三司并賜田宅徐璿等
反於江南以行軍總管隨討璿平授饒州刺史甚有治

名數載卒官

隋書

梁文謙安定烏氏人相州刺史彥光子宏雅有父風開皇十五年拜上州刺史煬帝卽位轉饒州刺史歲餘爲鄱陽太守治績稱最值歲饑民起爲盜文謙勞來振恤又培土爲市使民得貿遷有無以遂其生徵拜戶部侍

郎

隋書梁彥光傳
嘉靖林志

唐 吳南唐圉

顧錫貞觀間爲餘干令多惠政時有赤白二鶴翔集之

瑞

安志

薛元超本名振以字行蒲州汾陰人顯慶中爲饒州刺史在郡六年以神明馭下素山產芝民以爲瑞立亭表之因改其山曰芝山

舊唐書薛收傳
盈川集

豫章書

賈儼總章間爲饒州刺史邑人鄧遠上列取銀之利儼

遂上其事以贍國用因置場監任民采之

明一統志

康希詵字南金會稽人由濮州刺史轉饒州所至之邦

必聞美政入爲國子司業歷房睦台諸州刺史開元三

年卒希詵負不器之姿寬惠恭愿文章政事百僚所則

嘗撰自古以來清白吏圖四卷自爲序贊以見其志宰

相章承慶中書舍人馬古甫等美而同述焉

據顏魯公文集汲郡

開國公康使君神道碑銘補

韋嗣立字延構陽武人以成均祭酒貶饒州長史時表

其廉卒贈兵部尙書

舊唐書唐書作饒州刺史

裴士淹大厯間饒州刺史時有德興程烈女者擊奸盜

以報父讐士淹刻石州門表其節

嘉靖林志舊志原案豫章書程烈女父

兄爲盜所殺掠女去女尋以計脫購告於刺史顏真卿捕獲戮於市女剗其心以祭父兄而不及士淹表門事唐書列女傳亦失哉

李復字初陽清河王孝節曾孫建中初爲饒州刺史郡人陳饒奴年十二親亡歲饑或教其分弟妹可全性命饒奴流涕身丐訴相全養復異之給資儲署其門曰孝友童子又嘗築隄捍江民德之號李公隄唐書陳饒奴傳明一統志

杜佑字君卿京兆萬年人以父蔭補濟南郡參軍郟縣丞入爲工部郎中充江西青苗使轉撫州刺史累官戶部侍郎爲盧杞所惡出爲蘇州刺史改饒州佑性敦厚強力尤精吏職雖外示寬和而持身有術爲政宏易不尙皦察質明視事入夜讀書始終言行無所玷缺官至

守太保同中書門下平章事卒諡安簡

舊唐書 謹案

愛碑銘云其牧臨川也地參閩蠻人本輕惰化彼游手敏於農功堅舊防而時蓄洩當大旱而我有益雨每歲徵守歸諸有司克變輸將之勤不虧公上之入因獲贏利悉賜困窮是佑於撫州實著治績舊志失載附注以補其闕

鄭珣瑜字元伯鄭州滎澤人貞元間為饒州刺史性嚴

重少言未嘗以私託人而人亦不敢謁以私官吏部尙

書卒諡文獻

唐書 譚案珣瑜畢生治績在為河南尹時亦如杜佑諸人史不別著江西事實也

以舊志久著今亦仍之

李吉甫字宏憲趙郡人貞元中彬州刺史改饒州會前

刺史繼死咸言牙城有物怪不敢居吉甫命苗除其署

以視事吏由是安誅破奸盜窟穴治聲流聞憲宗立以

考功郎中召知制誥累官中書侍郎同平章事卒贈司

空謚忠懿

唐書

馬植字存之扶風人元和十四年進士由壽州團練副

使三遷饒州刺史精吏事以文雅絢飾其政清靜不煩

嘗築塘興隄民賴其利號塘隄爲馬公云

唐書

饒州府志

吳彥字俊之睦州人咸通閒爲餘干縣丞剷弊除奸有

嘉禾白雀之瑞

嘉靖林志

盧知猷字子謨河中蒲人僖宗時爲饒州刺史以政最

聞

據一統志補

詳案唐書本傳知猷莅官尚在咸通之世

顏標乾符閒饒州刺史黃巢攻城標力戰不支城陷死

之又有柳尹者中和閒令樂平亦死黃巢之亂民爲立

廟

一統志

嘉靖林志

金安字曰安京兆人乾符閒爲浮梁令黃巢作亂安籍

民兵設守民以獲全

林志謝志原案金安休志誤入楊吳自志人曹今從自志

鍾泰章

吳錄作鍾章

合肥人爲壽州團練使順義中人有告

其侵市官馬者徐知誥以王命遣王稔代之改泰章饒

州刺史或謂泰章何不自辨泰章曰吾在揚州十萬軍

中號稱壯士壽州去淮數里步騎不下五千苟有他志

豈王稔單騎所能代乎我義不負國雖黜爲縣令亦行

況刺史乎何爲自辨以彰朝廷之失

十國春秋

高拯

饒州府志作高拯

字叔濟歙人保大間知餘干縣喪亂後

居民彫敝科役煩重拯爲貸私錢若干萬緡鄉責二人

行商取息以資公用民賴以蘇去後爲立碑紀績

志安

詳案舊志有郭元振李德裕楊贊歸崇敬李瓚五傳考之新舊唐書元振未至饒州德裕則貞元中尚不求仕進元和中以蔭補校書郎辟諸府從事安得興元間有爲餘干令之事贊及崇敬史傳俱不書江西政績舊

志有贊贊性直一語乃唐書穆贊傳後附其弟贊傳
言贊之性直舊志忽不及察遂臆加一贊字也崇敬
陳民生疲敝在爲主客員外郎時非饒州司馬任元振
諸人並久垂史冊旣於江西無所表見自不必藉志乘
爲闡揚也至李瓚一人舊志秩官列明按察司僉事而
名宦傳又以爲唐人且云以通政司參議出判饒州尤
乖唐代官制其誤不
辨自明今並從刪削

宋

馬亮字叔明廬州合肥人舉進士出知饒州州豪白氏
多執吏短長嘗殺人以赦免愈驚橫爲閭里患亮發其
奸誅之部中畏懾州有鑄錢監匠多而銅錫不給亮請
分其工之半別置監於池州歲增鑄緡錢十萬遷殿中
侍御史自潭州徙居昇州行次潯陽郡屬歲旱民饑湖
湘漕米數十舟適至亮移文守將發以振民因奏潁江
諸郡皆大歉而吏不之救願罷官糴令民轉粟以相賜

後厯知虔洪二州以太子少保致仕

宋史

吳在木青州人咸平時爲餘干令識敏善斷嘗曰欲治其外先治其內如曹司貪墨者榜出之又曰牧民猶牧羊也當除其敗羣者刑先豪強一縣稱治有白雀青鹿之瑞民歌曰吳在木政嚴肅惡者憂羈囚善者樂化育不見大聲急走人昔之願空今皆足寇準薦其賢官至

尙書

嘉靖林志
饒州府志

張譚慶厯閒知饒州兼提點金銀銅坑冶公事時州學燬於火譚爲新之聘郡人胡甯爲師

嘉靖
林志

朱琬慶厯閒由祕書省校書郎出知鄱陽縣知州張譚建學東湖贊成之功多出於琬云

嘉靖
林志

范仲淹字希文蘇州吳縣人進士以吏部員外郎權知

開封府忤宰相呂夷簡罷知饒州興學化俗一以愷悌
為政歲餘徙潤州累官參知政事卒贈兵部尚書諡文

正宋史 饒州府志

毛抗字節之一字國華衢州江山人皇祐元年進士嘉

祐五年以大理寺丞知樂平熙甯七年為本路運使均

有愷悌之德惠政治聞吏民再立石頌遺愛焉饒州府志 詳

案浙江通志抗終祠部郎失職官江西事

張讌西蜀人治平間為德興令慈惠孚洽民甚安之頌

曰張侯張侯敷政優游民樂其業禾麥有秋明統志 饒州府志

志

蘇邁字伯達眉州人轍兄軾長子元豐間為德興丞文
學優瞻政事精敏不事鞭扑而民自不忍欺後人仰之

爲立景蘇堂

豫章書 饒州府志 謹案 爲德興丞府志作爲德興尉

范鶚熙甯三年知樂平縣縣未有學宮鶚既視事喟然

曰邑之缺典孰大於此遂度地爲之鶚治邑有異政秩

滿士民誦其績請留長吏以聞遂獲因任

樂平縣志

汪愷字伯疆徽州婺源人弱冠入太學爲諸生有能文

聲紹聖四年解褐調常州晉陵縣主簿累除添差通判

饒州饒有酒官郝陞者出軍伍怙勇挾奸持鄙短長郡

守不能制而深怨之會盜侵旁郡舉城皆奔陞之子亦

佩劒出城爲關吏所錄守卽誣以叛并其父械於獄將

斬之愷曰急遽時以刀劒自衛人情也可盡誅乎持之

數日陞與其子皆免除知常州漢陽軍吉州未行移知

處州未幾復移撫州撫州民許以女歸其鄰久矣旣而

悔之一日白官女死於兵半年請署爲異日之信愷立
械其人於獄僚屬愕然愷笑曰女誠死不白官也必女
家不良其夫欲盜吾判耳請爲諸君致其女明日而女
果出人以爲神厯知袁州江州主管台州崇道觀起知
全州卒

據宋汪藻
浮溪集補

吳與字可權漳州人元符閒知餘干縣事有學識莅官
未幾決囂訟八直冤獄二建學宮修公廨養士任才遠

近悅服大觀初除御史

饒州府志

徐敷言字明可浙江西安人元符二年進士除江東運

判番陽民吳氏館客誘其子書不順字持以告并誣其

藏甲朝命置獄敷言辨其妄吳賴以全

據兩浙名
賢錄補

蔣靜字叔明常州宜興人第進士調安仁令俗尙巫疫

癘流行病者甯死不服藥靜悉論巫罪聚其所事淫像得三百軀毀而投諸江徽宗時召爲大司成出知洪州

宋史

劉安節字元承温州永嘉人元符三年進士政和閒知饒州民愛戴之後移宣州民遮留曰吾州自范文正公後惟劉公一人而已

劉左史集
明一統志

郭僕字同升開封祥符人以父任累官通判金州權饒州浮梁宰未行時有賊張頂花者已徧縣境眾止之僕曰安逸則就艱危則辭非我所學徑就道至縣約束吏士誓以死戰賊聞之僞降入邑爲變邑官竄伏僕曰吾爲宰義不可去端坐公署遂遇害詔贈承議郎錄其後

二人

宋史忠義傳

范溶字茂實婺州蘭谿人以祖任爲太廟齋郎歷權通判饒州練熟吏事決讞詳明三爲刑官再治邑皆以平

恕稱

據金華先民傳稱

蔣興祖常州宜興人以廩累調饒州司錄睦州盜起旁郡皆震興祖白州將集兵治戰具盜不敢來犯以功遷知開封府武陽縣靖康初金兵過縣力不敵死焉

明一統志

趙彥端字德莊宗室子登紹興進士知餘干剛介不屈以利民爲首務民稱趙母尋遷江東運副制振饑之法嚴不舉子之令歷太常少卿著有介庵居士文集

明一統志

饒州府志

柴瑾字懷叔衢州江山人紹興八年進士通判饒州會歲饑羣不逞爭發民粟瑾請亟以常平米振之郡守有

難色瑾曰勢且急當從便宜瑾願執其咎其後攝州奏

免買芻炭與丁礬錢民尤頌德焉

據饒州府志補

杜師旦紹興閒知餘干縣初至奉行經界事召父老有

才德者合議田分六等租以五升爲率且屬父老曰勿

回勢勿徇私一主乎公旣成民咸稱善以內艱歸

餘干縣志

葉義問字審言嚴州壽昌人建炎初登進士第調饒州

教授攝郡歲早以便宜發常平米振民提刑黃敦書劾

之詔勿問前樞密徐俯門僧犯罪義問繩以法俯嘗舉

義問怒甚乃袖薦書還之

宋史

沈度字公雅紹興閒知餘干政有三善曰田無廢土市

無閒居獄無宿繫

嘉靖林志

甯尹字正孚青陽人紹興二十八年知浮梁至則告長

老曰令起農家耳備嘗疾苦奈何以鞭扑苦百姓其定約束與若守毋自刑也民相率趨令

安志

唐文若字立夫眉山人登進士第紹興中知饒州興學宮減田租奇耗二萬石又請歲糴常平義倉之儲什三與民平市農末俱利而粟不腐遂以著令餘干有劇盜巡尉不能制文若遣牙兵捕戮之孝宗初改知江州金人入寇官軍悉戍淮文若奏練鄉丁五萬以嚴上流兵備人倚以固郡和糴數八萬文若又以民勞堅請得減

十三

宋史

王十朋字龜齡溫州樂清人紹興二十七年進士第一隆興初除吏部侍郎力辭出知饒州饒並湖多盜聞十朋至皆一夕遁去丞相洪适請故學基益其園十朋曰

先聖所居十朋何敢予人移知夔州饒民走諸司乞留

不得至斷其橋乃以車從閒道去眾葺斷橋以王公名

之官至龍圖閣學士致仕卒諡忠文

宋史

詹體仁字元善浦城人隆興進士調浮梁尉郡上體仁
獲盜功狀當賞體仁曰以是受賞非所願也謝不就真
德秀嘗問居官涖民之法體仁曰盡心平心而已盡心

則無愧平心則無偏世服其確論云

宋史

李舜臣字子思隆州井研人紹興末著江東勝後之鑑
十篇以上登乾道二年進士以宣教郎知饒州德興縣
專尚風化民有母子昆弟之訟連年不決舜臣爲陳孝
友之道遂相愛如初閒詣學講說邑士皆稱蜀先生罷
百姓豫貸償前官積逋踰三萬緡民病差役舜臣勸糾

諸鄉以稅數低昂定役期久近爲義役期年役成民大便利銀坑罷雖久小戶猶逋銀本錢官爲償之天申大禮助賞及軍器所需皆不以煩民

宋史

吳儆字益恭徽州休甯人紹興二十七年進士乾道二年差知安仁縣安仁舊號冷邑負販少有至者儆至立爲會市會之日官無征斂市不二價約束明肅商賈四集皆得所欲以歸於是井邑饒富江東壯縣或愧焉會歲大旱儆度民將艱食豫約一縣戶口所欠米若干令富民儲蓄以備境內賴以不飢四年轉宣教郎官至知

泰州主管台州崇道觀致仕

據新安文獻志補

王師愈字與正婺州金華人紹興十八年進士乾道中除金部郎官罷知饒州爲政仁恕而綱目整齊饒州歲

輸米十二萬石於建康總所移之他處道里費無所出

師愈力請得免改撥遷浙江提點刑獄朱子稱其有本

有文德望隱然爲東州之重

據饒州府志萬歷金華府志補

劉燾字晦伯建陽人乾道進士調饒州錄事通判黃奕

將以事汙燾而已自以賊抵罪去累遷贛州坑冶司主

管文字仕至權工部尙書卒諡文簡

宋史 譚案燾於江西無卓著之績

舊志特以朱子門人故存之今仍其舊

黃何徽州休甯人登乾道二年進士調秦和主簿再調

鄱陽三年三易守皆知其才委檄皆至何悉心區處上

下翕然有部使者以私怒一尉俾餘干丞核其罪丞以

無罪報使者怒復委何何答之實無罪也併丞置之使

者愈怒斥何府庭謂當與尉並核何不爲動俄使者罷

乃免何平時出語如恐傷人至臨義則毫髮不屈類如

此既滿郡守王師愈留爲掾凡數月辭歸

據新安文獻志補

蔣綸字德言明州鄞縣人淳熙三年爲安仁縣尉盡力

所職殺傷者驗視必親人以不冤盜賊不敢發發亦輒

得八年知貴溪縣以憂不赴後知餘姚縣卒於官

據宋樓鑑

攻婉集補

吳正國洛陽人淳熙四年知鄱陽縣事爲政有惠愛卒

於官民立祠祀之

豫章書

應孟明字仲實婺州永康人隆興元年進士淳熙八年

爲樂平縣丞時新守方徵索坊場積負孟明投書切諫

諷以咎徵守爲之慚沮累官至吏部侍郎

宋史饒州府志

徐木淳熙間知樂平縣事愷悌之聲爲本路邑宰之冠

漕使真德秀特上其名於朝

樂平縣志

婁機字彥發秀州嘉興人乾道二年進士通判饒州平反冤獄蜀帥袁說友辟參議幕中不就改幹辦諸司審計司轉對請裁捐經費又論刑名疑慮之弊累官資政殿學士提舉洞霄宮歸

宋史

楊簡字敬仲明州慈谿人乾道五年進士紹熙三年知樂平縣事興學訓士諸生聞其言有泣下者邑有少年爲民害簡寘獄中諭以禍福咸感悟願自贖由是邑人以訟爲恥夜無盜警路不拾遺簡又講求荒政行周官禁飲之法斥官妓侑觴配之民民無敢違其禁者嘗呼之曰楊父累官寶謨閣學士大中大夫致仕卒

宋史
饒州府志

趙與清臨安人開禧閒為浮梁令嘗謂為政以人材為先乃增學田易祭器創鄉賢祠講習以行其禮士風翕

然丕變

浮梁縣志

史定之字子應慶元府鄞縣人以廕補修職郎授豫章丞遷昭武令嚴保伍察冤繫除苛取之例寬租負之期守以清靜數月而大治累遷知吉州嘉定閒改知饒州架浮橋於鄱江之上以便行旅築長隄以衛田廬浚治城隍拓為今制移書博士沈遼選士之通古今辨事物者即學官舉行鄉飲酒禮籍郡閒田以供費事歲襲為常著有饒州志二卷

嘉靖林志 饒州府志 鄞縣志

紀極嘉定六年知樂平縣事時鄉飲禮久廢極始行之江東諸郡大水縣當樂安江之衝極命張薪護隄民得

無患

安志

洪咨夔字聖俞杭州於潛人嘉定進士試饒州教授有

文名仕終翰林學士制稱其鯁亮忠愨焉

嘉靖志

馬光祖字華父婺州金華人寶慶二年進士初調新喻

簿有能名擢知餘干縣事敬賢士禮高年值水旱相仍

災疫大作光祖振糶有方施藥療治蠲糧稅之征行掩

骼之政去後民懷思之立祠樹碑以頌累官至知樞密

院事卒諡莊敏

宋史 饒州府志

程元鳳字申甫徽州歙人紹定元年進士端平元年差

江西轉運司幹辦公事淳祐七年遷著作郎旬外知饒

州郡初罹水災元鳳訪民疾苦夙夜究心修城堞置義

阡寬誅求察誣證進江淮荆浙福建廣南都大提點坑

治仍兼知饒州治司歲有冬夏帳銀悉舉以補郡積年諸稅斂之不足者芝生治所眾以為治行所致元鳳曰五穀熟則民蒙惠此不足異也召奏事辭不允遷右曹郎官累官少傅右丞相兼樞密使封吉國公致仕卒諡

文清

宋史 徽通志 安

吳泳字永叔蜀人寶祐開為浮梁令愛民禮士嘗以常

平法足備荒歉為加意修舉焉

嘉靖林志 舊志原案 宋史本傳 泳字叔永 澧

川人嘉定二年進士 歷官軍器少監 升秘書丞 兼樞密院編修 遷秘書少監 權吏部侍郎 後知温州 改知泉州

具知浮梁 事失載

楊珏字君寶慶元府鄞人紹定二年進士授通直郎知德興縣事邑居四山之僻民多艱食珏乃節所用積錢一百萬置米千斛儲之顯惠倉歉時出之以平市價景

定閒轉朝奉大夫

據浙江通志補

孫炳炎字起晦越州餘姚人寶祐元年進士咸清七年

知饒州事按視虧運米二十萬石請得分限補償詔從

之贛寇出沒二廣爲患炳炎不折一矢解散之廣帥劉

應龍舉以自代會以言罷歸遂不復起

據饒州府志補

王貴行蜀之洪雅人咸清閒爲德興丞

蜀志作興縣丞

饒州通判常福以城降屬邑皆望風款附獨貴行不屈

曰吾幼學壯行惟忠與孝耳竟赴水死

豫章書府志

志

周偉德祐閒爲浮梁丞元兵起偉曰以守無城以戰無

兵奈何受人之命不爲其事非仁也食人之祿不死其

難非勇也卒死之

豫章書

謹案舊志有劉季孫洪興祖二傳季孫傳祇載風吹燕語落檐間一詩興祖傳僅依宋史述六刀一夢皆於宦績無關今並從刪又唐震傳移入廣信府以震先莅信州且治獄事亦在信也

元

齊秉節字子度濱州蒲臺人魁偉沈毅涉獵書史稍知兵法至元十七年授明威將軍二十三年移鎮饒州安仁劇賊蔡福一叛秉節與有司會兵討之擒福一餘黨

悉平

元史

萬聚泗州人至元間知浮梁縣事恤民興學百姓安之嘗謂家人曰民頗德我死必葬我於斯子孫如其言葬

於治東

安志

王都中字元俞福建福甯州人初爲郴州路總管以神明稱遷饒州路總管年饑米價翔踊都中以官倉米定

價爲三等言於行省以爲須糴以下等價民乃可得食
未報又於下等價減十之二使民就糴時宰怒其專擅
都中曰饒去杭州幾二千里比議定往還非半月不可
人七日不食則死安能忍死以待乎其民亦相與言曰
公爲我輩減米價公果得罪我輩當鬻妻子以代公償
時宰聞之乃罷郡歲貢金金戶貧富不常都中考得其
實乃更定之包銀之法戶不過二兩而州縣徵之加十
倍都中責之一以詔書從事父老或以兩岐之麥六穗
之禾爲獻都中曰此聖主之嘉瑞非臣下所敢當遂以
聞於朝以內憂去郡民爲立生祠後官至浙江行省參
政卒諡清獻

元史

卜天璋字君章洛陽人皇慶中以吏出制授天璋饒州

路總管既至聽民自實事無苛擾民大悅版籍爲清時
省臣董田事妄作威福郡縣爭賂之覲免譴饒獨無有
省臣銜之將中以危法求其罪無所得縣以饑告天璋
卽發廩振之僚佐持不可天璋曰民饑如是必俟得請
而後振民且死矣失申之責吾獨任之不以累諸君也
竟發藏以振之民賴全活其臨事無所顧慮若此火延
饒之東門天璋具衣冠向火拜勢遂熄鳴山有虎爲暴
天璋移文山神立捕獲之以治行第一聞升廣東廉訪
使終山南廉訪卒諡正獻

元史良吏傳

郭郁字文卿大梁人皇慶末知浮梁州事善設鉤距以
廉民隱自比趙廣漢聘吳仲遷爲弟子師士風丕變政
爲江南諸邑最

嘉靖
林志

伊喇特

原作移刺迪

字蹈中白霽人樞密忠靖公子元統間

爲饒州路總管講學行禮均役省刑歲旱三禱三應代

去民感之爲立去思碑

饒州府志

韓鏞字伯高濟南人延祐五年進士至順元年除國子司業尋遷南行臺治書侍御史至正七年朝廷慎選守令參知政事魏中立言於帝當今必欲得賢守令無加鏞者帝乃特署鏞姓名授饒州路總管饒俗尙鬼有覺山廟者自昔爲妖以禍福人爲盜賊者事之尤至將爲盜必卜之鏞至卽撤其祠宇沈土偶人於江凡境內淫祠不合祀典者皆毀之人初大駭已而皆嘆服鏞知民可教俾俊秀入學宮求宿儒學行俱尊者列爲五經師旦望必幅巾深衣以謁先聖月必考訂課試以示勸勵

每政暇必延見其師生與之講討經義由是人人自力於學而饒之以科第進者視他郡爲多鏞居官廨自奉淡泊僚屬亦皆化之先是朝使至外郡者官府奉之甚侈一不厭其欲往往騰謗於朝及至饒鏞延見郡舍供以糲飯退皆無有後言其後有旨以織幣脆薄遣使督行省臣及諸郡長吏獨鏞無預鏞治政雖細事其詳密多類此

元史

吳暉字朝陽嚴州淳安人泰定二年進士出丞祁陽時邑賦雲南葉金民患之暉言於朝得輸常金民賴以甦

據浙江通志補

申佑字君佐婺州金華人天歷初用御史舉署餘干州儒學教授修學宮養士類翁有聲譽調平江路錄事判

官遷德興縣主簿縣西五里有溪控驛道其流湍悍涉者病之佑相其宜爲浮橋以濟仍買田予守橋者令以歲入爲繕修資民德之謂橋曰棲鸞渡曰申公立祠橋

西刻石以頌

據明王忠文公集補

潘敏中濟南人至正間爲饒州路推官平反冤獄致神

蛇之異天台陶凱爲詩紀之

嘉靖志

魏中立字伯時濟南人至正時自陝西行臺御史中丞遷守饒州賊旣陷湖廣分攻州郡官軍多疲懦不能拒所在無賴子弟乘閒竊發不旬日眾輒數萬皆短衣草屨齒木爲杷削竹爲槍截緋帛爲巾襦彌野皆赤中立聞警卽率丁壯分塞險要戒守備俄而賊至達嚕噶齊莽資出戰不能發一矢賊愈偪中立以義兵擊卻之已

而賊復合遂為所執以紅衣被其身中立叱之須髯盡張賊執歸斬水欲屈其從己中立大罵不已遂被害元史

忠義傳

烏樞字季言河陽人至正間知餘干州事嚴明廉幹均賦簡訟能得士民之心居六年淮兵破餘干樞挾印詣江浙行省請兵復州治未幾再破退保港西後升饒州

路總管明一統志 饒州府志

笏勝丹陽人至正中為德興丞性廉介歲旱設法振饑禱神祠引咎甚至雨立應民為刻石頌功立祠以祀饒州府志

明

宋炳字景光合肥人明初饒州總制繕城濬隍武事修

舉聞蕭名來寇炳與知府陶安嬰城拒守明日賊架船
百艘犯南門炳率眾射之矢如雨注俄報賊攻北門門
外有浮屠賊躋瞰虛實炳設疑兵眩之注以火箭賊技
無所施會江西援至賊奔潰捷聞賞勞有差城東北三
面卑隘炳增高之又建旗纛廟守禦廳及譙樓工竟而
民不擾

饒州府志

鄭選靈璧人明初以武略將軍守禦饒州度營制訓士
卒甚有法度逋寇唐丑人等作亂選與同知唐魯之謀
搆其巢豫遣游兵斷其歸路連戰克捷賊遁池州追斬
之由是數邑無警郡人爲之立祠

明一統志
饒州府志

李甯字景安湖廣麻城人明初爲餘干州同

謝志作知
餘干誤

材敏而斷逸盜周雲勝導閩寇來攻官兵討平之甯捕

餘黨之匿山澤者三百人正其罪民始獲安歲大饑修

築決圩三百餘里移粟振濟民懷其惠

一統志

饒州府志

志白志舊案元貞元年升饒州路餘干樂平浮梁三縣爲州至明洪武初仍改爲縣凡屬未改以前者俱

州稱

胡惟孝定遠人明初知樂平州事剛果沈毅威德並行

乙巳方國華入寇被執不屈死之

樂平縣志

李庸淮人洪武初知浮梁招撫流亡開闢田野時于光

部曲橫恣庸每裁抑之民獲安堵

嘉靖林志

辜皋湖廣江夏人洪武初知德興縣宣布號令招撫流

亡寇至聚民兵保障又奏罷采銅之役修學建橋開拓

榛莽由是百里之內雞犬之聲相聞

明一統志

王文德盱眙人洪武初知浮梁州己酉改縣卽以文德

知縣事爲政勤能嘗正版籍以均力役爰田畝以正稅

糧興學校以敦孝弟至今民猶頌之

嘉靖林志
饒州府志

郎敏河南洛陽人洪武九年知饒州府事治尙廉明樂

平奸民有詣闕訴大姓五十餘家謀逆者詔發兵往捕

之敏驚曰樂平民素樸未必有此吾爲郡守使民死無

罪不可請先往察之至則皆耕牧如常時於是五十餘

家得盡釋而妄告者誅

饒州府志
作殷敏據明史

謹案郎敏舊志
盧熙傳改

馮允陝西華陰人洪武中知餘干縣事政治嚴明舊有

囚逸獄不能獲允以計得之經歷魏宗文貪墨允條具

以聞寘之法民有被盜殺者予以疑似告逮捕者多允

齋沐禱神果得殺者性淡泊去任惟琴書數卷而已

明

饒州府志

李益山東利津人洪武中爲饒州通判尋升知府性寬大不事苛細在官十有八年洞悉民隱民愛之如父母永樂初郡苦蝻災益徧告神祇忽大雨如注蝻盡死

饒州

府志

洪源字子泉浙江淳安人洪武中以太學生授安仁縣教諭專以明道務實爲先嘗謂諸生曰講學須明問道須行毋飾外以獵虛名也歷滁州邵武福州卒贈工部

主事

據浙江通志補

曠彥溫湖廣黔陽人洪武十八年知樂平縣事以廉自持尤惓惓於民生在勤之義夜潛行週訪績力作之家輒褒獎之一時循者競勸在邑五年惠政甚著嘗過閭巷聞民間飲者舉所飲酒曰此曠知縣也蓋謂酒清如

曠云

安志

任勉字近思華亭人洪武二十七年進士知鄱陽縣事
首以禮義廉恥教民暇卽詣學講授經史時丁調法弊
勉立易見冊分上中下戶爲三等調則檢實以行吏無
所容手升知瀘州鄱陽民如失父母爭詣闕乞留遂調

饒州府同知

明一統志
謝志原案江
南通志作任
勉之字近思

汪進開元人

饒州府志
作開化人

監生洪武末爲浮梁丞定徭役

正版籍宿弊一清時巨盜潘臘生余回祖等聚劫進捕

殺之擢工部主事終員外郎

浮梁縣志

夏斌字彥文湖廣興國州人洪武間任棠陰巡檢倜儻
明敏每以捕獲功書最時撫州盜聚劫鄱湖斌設方略
雜商船中誘擒之凡四十人餘黨遁去嘗檄攝縣事風

裁凜然人莫敢犯敘功當別擢邑父老合辭乞留聞於

朝特予傳置還任

安志

張彥方字文鉅浙江龍泉人洪武中舉孝廉厯官知樂平縣事至則飭學宮廣齋舍咨民瘼察吏奸撫弱鋤強蒐賢表節稅役有定則獄訟無隱情治具畢張聲卓流越邑黃氏奴弑其主冤及主婦年久始白僚佐欲援赦減奴罪彥方曰奴殺主與臣弑君子弑父同科赦非此謂也卒論如法縣治南濱河公私病涉立橋以濟上下稱便公暇於廨隙闢畦種菜額以菜軒示勤儉先民之意建文元年靖難兵至彥方樹義勦王一邑響應乃卽日發兵曰君父在水火可一日緩乎抵湖口兵敗被執彥方曰死何懼有老母在願面訣之遂械歸樂平遇害

尸諸譙樓當暑月一蠅不集經旬而如生邑人竊葬之
清白堂後母潘妻陳均投署中井死

國朝乾隆四十一年追諡彥方曰烈愍

據勝朝列傳諸臣錄及饒州府志補

謹案彥方孤忠亮節歷久如新舊志漏未列傳
浙江通志亦語焉不詳爰備錄府志以補其闕

鄭宏字仲耀浙江諸暨人永樂初以明經判安慶府改

饒州升南安同知所歷皆有善政饒民以燒瓷爲業故

多官府造作之所宏嘗監督其事忽值審變瓷器皆成

異色守者將以上聞宏謂任土作貢不强所無倘因適

然而責其常然後將何以應遽毀之民立祠審所以報

德

據浙江通志補

葉砥字履道浙江上虞人洪武四年進士永樂中知饒
州府事先教化後刑罰訟者必以理遣政清民安戶口

蕃息郡素苦役夫治陶砥奏減四之一民皆稱便年八

十卒官郡人無少長皆哭盡哀

一統志 萬曆上虞縣志

趙濬恭浙江定海人永樂中知德興縣事會大疫田疇多蕪濬恭計口授田籍民力強弱爲三等以定差役歲歉自貸於富室以振民饑後卒於官民頌之曰前有辜父後有趙母

嘉靖林志

蔡胃字用嚴一字松莊浙江鄞縣人舉人授宜春知縣以憂去後改餘干愛民如子有干憲度者必諭使自新未嘗輕爲笞詈清修苦節薦餽雖蔬菹不納御下和易而不貸於權貴以故不諧於郡巡撫郭璉入郡言注胃催科下考當去官民相率走百里聲胃冤且言數十年未有廉公愛民如胃者奈何枉我仁令乃更考胃績最

而黜其郡守焉

據兩浙名賢錄及鄞縣志補

曾鼎一名真保字文鼎福建邵武人永樂十九年進士宣德元年知浮梁縣事儉約平易政務便民鄉有水莽草性毒民多服以誣訟鼎反坐之其風遂息秩滿以乞

留復任二年

浮梁縣志

張泳字思濟南直隸武進人宣德間以儒士授鄱陽縣丞時旱饑泳發豫備倉及捐俸資糜以振徧詣鄉落視民菜色甚者勸有力家分養之助以官穀不足請發大有倉巡撫趙新從之得米八十餘石全活者甚眾又力請蠲租獲免二萬石民甚德之

白志

李伯璵字君美南直隸上海人宣德舉人官饒州府教授嘗謂訓士正俗輔翼參贊必自家若身始以嘉言相

勛不如以實行相導也歷官長史輯古今文一百六十

三卷曰文翰類選大成

安志

趙應福建晉江人正統間由吏員知浮梁縣事愛民好士應故工醫民疾病者躬往診問與之藥多愈里胥生男必命之報餽湯餅亦受之九年秩滿士民合詞奏留加六品俸復任又九年則所生男能應役矣輒喜曰此嘗餽我湯餅者暨去民泣留不舍

安志

浮梁縣志

林漢字景源福建莆田人景泰舉人任饒州通判勢家有占民湖田者上司委勘漢按實還之民勢家銜甚屬考察落其官憲使侯英抗言曰林漢去江西官無可留者不聽竟去之民號泣以送

福建通志

王佐湖廣蘄州人景泰間知饒州府事平易廉介先是

佐嘗任徽州同知去之日民上章挽留之及去饒如去

徽時明年忽傳聞佐復來百姓皆歡呼謠誦其得民心

如此

嘉靖
林志

邵崑浙江桐廬人天順閒知餘干縣事振士風剔吏弊

時邑有虎患崑自責禱神虎相繼去己卯夏旱虔禱三

日雨如注秩滿升撫州府同知

嘉靖
林志

吳繹思福建莆田人天順元年進士成化閒知德興縣

事愛民懲吏均徭役勸農桑修葺文廟樹成德達材二

坊去後十年民思之立碑以紀其績

德興
縣志

陳崇字德崇福建懷安人

原作淮
安人誤

成化十四年進士知

樂平縣事爲人坦直廉明臨事不擾嘗建譙樓勸便民

倉及吳口橋公私便之尤留意學校朔望集諸生講討

無倦色邑有溺女之弊崇申嚴其禁民風爲之一變

府志

劉渙湖廣江陵人成化十七年進士知鄱陽縣事清慎廉明愛民禮士城東十里多水患築隄捍之遂獲良田數千畝治行爲江西最以勞疾卒官民哀痛如失父母

嘉靖林志
饒州府志

林祥字世祥福建莆田人宏治閒任饒州府教授以正律已遇諸生尤善貧不能婚喪者倡義周之教其不才而獎其才者不啻父兄之於子弟焉後升國子助教去

諸生懷其德爲建思服亭

嘉靖林志

張萱字德輝南直隸上海人宏治十五年進士正德閒知鄱陽縣事性方嚴抑制豪強民訟立與決贖緩不以

入私吏卒凜凜號爲張鐵面焉

安志 饒州府志

汪和字惟節浙江餘姚人宏治十八年進士正德元年知樂平縣事簡默深沈不見喜怒而發奸摘伏如神民有雄桀一方者事發寸紙檄之不敢不至其風力服人

多類此

據饒州府志補

李俊字邦彥山東汶上人任饒州守禦所千戶正德五年姚源賊次梁山坂官兵行伍未集賊乘虛入眾潰俊獨奮身直前手射十餘人力屈被執與弟李二遠

府志作李

傑

同遇害

據一統志饒州府志補

陳策字嘉言南直隸無錫人宏治六年進士正德間知饒州府事姚源賊猖獗與菱塘賊黨相應策示以恩威悉就撫已而復流劫徽衢聞策分兵扼其衝賊不得逞

卒平之建萬年縣治修輯郡志皆能盡其職於民

饒州府志

胡軒字士榮浙江餘姚人宏治十五年進士正德間由

兩淮運同擢知饒州府值萬年縣初建洞民桀黠者乘

釁竊發軒廉得其狀悉平之邑賴以安升兩淮運使州

府志

秦碧字仲文浙江慈谿人舉人任饒州府通判有廉能

聲正德中姚源賊黨王重七等陽撫陰叛碧受檄署萬

年縣事時縣初建百事草創胥吏皆賊耳目碧苦心經

畫眾稍戢會兵使李情用法嚴賊遂起殺情碧亦被執

賊帥號於眾曰秦爺好官不可害碧厲聲罵賊且顧左

右曰官兵何在賊疑其有伏也遂害之事聞詔立祠旌

忠廕一子散官

據饒州府志

謝汝儀字國正一字果庵浙江鄞縣人正德九年進士授餘干知縣縣當孔道商稅不資慮出入無藝乃立計簿稽盈縮額外不入一錢時中官監督茶稅勢薰灼汝儀棘棘不少阿迄不得肆其暴富民邱氏殺人當死賂者欲出之不聽卒論如律邑號多訟汝儀明慎果決未三年斷獄遂寡父喪去士民泣擁道周樹碑以志去思焉後遷江西按察使

據鄞縣志補

趙德剛福建閩縣人正德間知德興縣事甫下車值姚源寇至邑無城伐木爲柵以拒賊時大吏統兵者欲以金錢陷賊德剛曰民困安可重斂遂身入賊巢諭以義被執以計脫歸尋誘致賊黨數十人戮之賊引去歲大饑請於朝蠲三年賦又得振金七千八百餘兩民始獲

甦立碑頌德

安志

馬津字宗孔南直隸徐州籍崑山人正德十二年進士

知餘干縣事宸濠反偕進賢知縣劉源清起兵討賊以

功擢監察御史

明史詹榮傳白志

孫天祐衛水人正德間任龍津驛丞會宸濠反天祐起

兵拒賊賊七殿下者奪運舟於龍津天祐與戰殺數人

賊黨募兵過龍津天祐追殺之焚其舟賊黨畏氏家眾

西下亦爲天祐所遏禽七十餘人賊兵不敢道湖東者

天祐力也

明史詹榮傳白志饒州府志

李貞湖廣鄖陽人正德間任德興主簿常單騎抗宸濠

餘孽被重傷殺獲頗多其居恆則以廉靜著

安志謝志原崇

書亭詩話敘佐王文成擒宸濠者饒州則有晉

江林城前志俱不載無由徵其事蹟附見於此

馬隄浮梁胡白渠以興水利已而將鑿井以濟因渴忽
泉自涌出人因名之曰應德泉尤嚴於課士講授之暇
別置籍以紀善惡延社學師教之以所沒官田爲之贖
且下其法於屬縣

據一統志廣
東通志補

汪宗伊字子衡湖廣崇陽人嘉靖十七年進士知浮梁
縣禮士子戢土豪嘗條禁常例五事著爲令民無橫征
之苦擢兵部郎中以忤嚴嵩免歸再起歷官戶部尙書
卒諡恭惠

湖廣通志
謝志

阮屋字德載應天江甯人嘉靖二十年進士二十四年
知浮梁縣事清釐里甲民困立紓又築北湖開南路興
學校去之日囊無餘資

安志 饒
州府志

姜廷頤字以正湖廣巴陵人嘉靖二十三年進士二十

四年知餘干縣事徵收稅糧令民自封兌終歲省羨千

金莅任四年擢御史厯官至兵部尙書

安志

周恂懋字季實浙江秀水人嘉靖二十六年進士令樂平五年苞苴屏絕詣京時父老餽之金卻不受升職方

主事

據浙江通志補

毛孔輝福建福清人嘉靖二十九年進士三十年知鄱

陽縣事舉孝行禁暴露著齊禮編以喻俗朔望進諸生

講藝明倫堂鄉邨則立社學擇師以教化民成俗士論

重之

安志
州府志
饒

許公高四川南部人嘉靖二十九年進士三十一年知德興縣事性廉介守正不阿吏民畏服嚴於捕盜民閒夜戶不扃自奉如寒素至饗祀賓興乃極豐腆上官餽

遺則有省無溢曰吾何以民脂博歡也有部使者過公高不禮之寄宿民舍使者知其素行亦不爲恨擢大理

評事

安志 饒州府志

龐尙鵬廣東南海人嘉靖三十二年進士知樂平縣事振作人才轉移風俗建社學置學田修葺譙樓力行保

甲之法累官至巡撫

安志

蕭時中字斗陽永安人嘉靖閒知安仁縣事平易近人勤於課士嘗鑿渠灌田人稱蕭公陂永賴其利

安志 饒州府志

志

傅公朝湖廣遠安人以貢授萬年丞居官清潔署篆廉

平惟一僕自隨卒官無以供喪具百姓哀焉

湖廣通志

蕭奇勳字懋建福建莆田人嘉靖三十二年進士知浮

梁縣事嚴明廉正吏不敢欺在任一以修學均役緝盜安民爲己任邑故無城郭奇勳奉檄建築功竟而民不

擾

安志

陸鳳儀字舜卿浙江蘭谿人嘉靖三十五年進士三十六年知餘干縣事請謁不行除火耗絕饋遺均徭役歲侵振饑全活者眾值湖盜嘯聚開城曉諭盜逡巡解散尤長於聽訟他邑訟不決者監司多以屬鳳儀焉擢給

事中

饒州府志
金華府志

蔣瑜字純卿浙江東陽人嘉靖三十五年進士授鄱陽令值巨浸衝決田禾瑜爲築隄延袤數百餘丈人稱蔣

公隄

據浙江
通志補

黎楚字子立廣東順德人舉人嘉靖四十一年知樂平

縣事廉明果斷時有惡少釀禍楚廉其首亂者十數人置之法境內肅然邑故無城楚奉檄建築規畫井井不踰年而告成

安志

鄭繼之湖廣襄陽衛人嘉靖四十四年進士四十五年知餘干縣事端靜寡言服食如寒素受牘不下曹司輪銀令自封兌批委供擬皆親裁之左右不敢一言搖惑人稱鐵耳時條鞭法新行繼之立則編派輕重適均民

尤以爲便擢主事累官饒九南兵備道

安志 饒州府志

謝汝韶字天池福建長樂人舉人隆慶間知安仁縣事勤恪廉明權無旁落奉行條鞭之法盈縮得宜民爲立

碑紀德

饒州府志

黃應坤字惟簡南直隸歙縣人隆慶二年進士三年知

浮梁縣事清廉慈惠民無不達之情吏畏其操宿弊盡

滌嘗請改置郵路人尤便之任九月以憂去

安志

黃金色字鍊之南直隸歙縣人萬厯元年知德興縣事性簡約敝衣疏食冰槩自持邑有公堂常例諸陋規悉禁絕之其條鞭豐羨南運扣餘飛詭丁糧巧立色目者咸搜抉無所隱立保甲儲社倉贍學田置義冢舉節孝求遺書茂績尤丕著焉未幾擢工部副郎

據饒州府志補

陳吾德字懋修廣東歸善

一作新會

人嘉靖四十四年進士

萬厯初知饒州府事廉潔果斷置社倉設荒振嚴保甲

鋤抑豪彊禁停轉溺女治行甚著以忤張居正免官

明史

一統志 饒州府志 謹案舊志詳述吾德罷官事不及饒州治績今改撰

尤拔俊字虞門浙江崇德人萬厯舉人知安仁縣事縣

土本瘠隘當水陸之衝民苦於役拔俊量減停徵務爲
休息邑少科目乃拓城於泮宮之南建一門曰雲錦以
延山川之秀自後科名始盛入覲過湖口縣見權稅爲
民害卽抗疏乞罷之事雖不行當時以爲快論

安仁縣志嘉

興府志

李際春南直隸武進籍陝西涇陽人萬厯二年進士知
浮梁縣事性剛而廉不畏強禦前令政以賄成邑中肆
行無忌際春至清風凜然嘗自署榜聯以見志云視聽
自民視聽饑寒猶己饑寒去官日家僮偶攜署中一竹
簾越境後始知之卽令舁還人服其清德

饒州府志

蘇萬姓湖廣人萬厯閒由舉人知餘干縣事時水旱洊
至萬姓捐帑勸糴屢請改折民賴以甦蠲火耗培士氣

旌善人禁溺女爲政皆可紀

饒州府志

唐伯元字仁卿廣東澄海人萬厯二年進士厯知萬年

泰和二縣竝有惠政民生祠之

據明史儒林傳補

鍾化民字維新浙江仁和人萬厯八年進士十一年知

樂平以經術飾治以節儉維風緩催科勤撫字雅意作

士遺愛在人以廉卓擢山西道御史民肖像祀之厯官

河南巡撫卒贈右副都御史

據明史饒州府志兩浙名賢錄補

程朝京字元直南直隸休甯人萬厯十一年進士任鄱

陽知縣縣多積逋朝京立周知實徵二冊課遂如額陶

丁倡亂有寨三百餘所朝京令居民依保甲法歸守集

壯丁五千列陣鵲湖禦之賊遂平晉漳南憲副

江南通志

萬之翼南直隸宣城人舉人任饒州府同知萬厯十六

年視餘干縣篆時霖雨連四月漂廬舍男女無算斗米
錢三千疫復大作飢民沟沟將爲變之翼開倉廩拮庫
藏行糴糴之政蠲糧發振施藥瘞亡災黎賴以存濟據
州府志補謹案府志載之翼勸諭飢民詩云好勸吾
民度此荒須知忍耐過時光兩食均作三食喫一日分
爲二日糧客至且將茶當酒家貧莫厭食多嫌等閒換
脫饑荒去轉眼東郊麥已黃詞雖俚近實切於民用不
獨歉歲宜爾也用錄以示方來

姜應麟字泰符浙江慈谿人萬厯十一年進士選庶吉
士以給事中左遷餘干知縣均賦稅申冤抑鋤豪猾禮
耆碩築圩隄禁溺女與前令姜廷頤齊名後以疾辭任

志安

吳僑四川富順人舉人萬厯間知萬年縣事前令弗宜
於民僑改絃更張民甚安之嘗捐俸構石橋於城西河

所費不貲而於民無擾迄今人賴其利升延平府同知

安志

金忠十字麗陽南直隸休甯人萬厯二十年進士知樂平縣事剛斷英敏爲治務整大綱不尙煩瑣久之士庶興行人人咸知自愛操行如一以內擢去厯官延綏巡

撫死於王事

安志

何鏐南直隸泰興人萬厯二十一年知德興縣事性廉靜寡欲賦稅少有羨必召納戶還之尤精九九之術吏不能欺邑界三省多盜鏐遇事窮治盜風寢息以艱去

士民思之

江南通志
饒州府志

楊廷槐字祖植浙江錢塘人萬厯二十三年進士任淨梁令邑景德鎮歲辦貢瓷外供應諸司廷槐一無所賦

曰吾去日必不攜一資以傷吾民也擢刑部郎中備兵
徐淮爲忌者所中歸累遷江西參政再除湖廣按察使
俱不起

據浙江
通志補

周起元字仲先福建海澄人萬曆二十八年鄉試第一
明年成進士歷知浮梁南昌以廉惠稱其任浮梁也鋤
強梗親賢仁嘗手定邑志以贖鍰修學置田調繁南昌
行篋所攜布衾書籍而已行取入都官至蘇松巡撫忤
魏忠賢下獄死贈兵部右侍郎追諡忠惠

據明史浮
梁縣志補

王應斗字天侯湖廣崇陽人天啟二年進士知祁陽縣
事在任五載未嘗枉扑一人獄有屈抑必多方昭雪之
時催科繁急獨能減耗恤民每遇歲荒尤撫字盡善秩
滿以殊異內擢御史

湖廣
通志

蔡屏周字明藩一字二白應天江甯人舉人天啟五年授淨梁知縣邑故多盜屏周至恩威並用四境帖然時議建魏忠賢生祠使至邑屏周取割裂之禍幾不測會

忠賢敗獲免

江南通志

王如春浙江黃巖人萬曆四十四年進士天啟中知餘干縣事值洪水泛溢民鮮粒食如春出俸振濟上請減徵改折復捐贖自龍津至壩口旋窟築隄數十里民稱

爲王公隄

餘干縣志

成勇字仁有山東樂安人天啟五年進士六年授饒州推官謁鄒元標於吉水師事之中使至知府以下皆郊迎勇獨不往且捕笞其從人中使將愬之魏忠賢會敗獲免丁內外艱厯開封歸德二府推官授南京御史

明史

白志舊志原案饒州府志稱勇在饒時有武宦家園亭當事競游賞之獨不能邀其一盼其風裁矯俗如此

朱天麟字震青南直隸吳縣人崇禎元年進士二年任饒州府推官明慎用刑法無枉濫尤湛深經術著有易鼎三燃等集擢翰林院編修

安志

紀五倫字衷彝一字天階浙江鄞縣人崇禎四年進士授饒州府推官有夫婦二人傭工護聖寺寺僧欲謀其妻乃殺其夫焚之埋骨井底妻控縣僧賂當事獄久不成及五倫至妻號泣求申五倫執僧刑之遂得實置僧於法尋丁外艱歸

據鄞縣志補

張有譽字誰譽一字靜涵南直隸江陰人天啟二年進士崇禎中由戶部主事出知饒州府性儉約練衣糲食

有寒峻所不能堪者治事明決不入一贖鍰亦不輕行
一杖累月訟庭如水旌孝弟勸力田清賦役嚴城守在
官七年廉惠甚著擢江西督糧參議南疆釋史作副使歷官戶

部尙書致仕

據饒州府志補

孫之烈南直隸揚州人武進士崇禎末任饒州營守備

江北潰兵爲寇流入鄱陽之烈率兵禦之戰於上藍死

焉賊遂破浮梁還至童子渡守備張某亦戰死

據饒州府志補

謹案舊志有戴震雷傳震雷官崇仁知縣舊志誤入饒州今改列撫州府

國朝

王永吉字鐵山江南高郵人明天啟五年進士前爲饒
州司理風采凜然治爰書剖決如流然不執己見左右
無能窺其意旨者沈冤大獄多見平反雖古之明允弗

過也時徵輸積弊已久加以練餉均輸溢地諸目吏得
因緣爲奸永吉取各邑額冊精心研算著爲清賦大綱
款項雖繁皆有成法宿弊爲之一清

安志 饒州府志

張其郁山西垣曲人順治三年知餘干縣事時土寇四
起其郁多方招撫株連訐告者概置不問寇患遂平援
兵桀驁閑之以法子女在營者悉釋還之值奇荒捐米
施粥以振民甚德之未期年以事罷去

山西通志 饒州府志

王起彪字虎子浙江錢塘人順治四年進士五年金聲
桓之叛起彪隨軍進討六年春知德興縣事時寇氛未
息德興在羣山中適鄰邑曹董二賊猝至起彪率民兵
禦之眾寡不敵賊劫之去不屈遂被害

一統志 安志

翟鳳翥字象陸山西聞喜人順治三年進士六年知饒

州府事饒州濱江帶湖林澤深阻時干戈甫靖瓦礫彌望鳳翥勤心撫恤招徠流移有能誅一茅蓋一瓦者持斗酒慰勞之又詳請蠲荒蕪糧稅八萬有奇民獲安輯郡學圯於兵火謀於眾移建故淮藩舊址宮牆歸然乃興復諸書院講學課士士風丕變勸農桑絕爭訟平劇盜禁溺女政罔不舉奏最擢本省興屯道僉事招撫屯民五萬餘人增穀二十二萬石公私瞻足尋升陝西按

察使

安志 饒州府志

尹衡字平之浙江歸安人順治六年進士任樂平知縣

甫下車慨然以圖治爲亟暮月之間興利除弊旣班班

矣以遇兵過嚴猝爲降賊所害士民哀思不忘

樂平縣志

案舊志引浙江通志謂衡死於窺城之賊與樂平縣志所述不同然縣志敘本境之事當得其實今改從縣志

婁維嵩字中立直隸真定人順治四年進士七年知浮梁縣事兵燹之餘居民四散維嵩設法招徠之浮梁歲漕萬餘石石徵銀五錢故事令民赴南昌輸買其後米價騰貴吏緣爲奸維嵩請徵於縣出資建倉民以不困編審戶口汰逃亡萬餘除實荒田一千餘頃民至今頌其德

一統志
浮梁縣志

索景藻字二因陝西蒲城人順治九年進士十年知樂平縣事時縣多盜景藻曉之以義期年盜大靖簡刑獄薄征徭逋賦累萬曲爲勸諭不三月畢輸以勤瘁卒官士民哭奠者日數千人

安志
州府志
饒

劉毓安順天玉田人順治十二年進士十五年知餘干縣事明年賊渠余之任謝天錫等乘海寇猖獗聚眾爲

亂毓安會康山營官弁以計討擒之除暴安良民被其

澤

懷州府志

程瀚字瞻庵江南上元人順治十二年進士康熙二年
知安仁縣事縣接壤撫州之東鄉其民置田縣界曰寄
莊爲官民病者數百年瀚至申請別給寄莊所由與邑
分戶徵比自是邑民無代賠之苦寄莊亦免頑抗之累

安志

鄭邦相字又僑湖廣咸甯人順治十五年進士康熙二
年知鄱陽縣事天資明敏勇於奉公無滯獄無逋賦邑
素多盜屢獲屢逸邦相悉嚴捕置之法境內肅然

一統志

懷州府志

江南齡字度遠浙江開化人順治十五年進士康熙二

年知餘干縣事廉靜清慎兵燹後首建文廟置禮器塲修東山書院以課諸生講論不輟在任十一年升山西太原府同知去之日行李所攜圖書數十卷而已

餘干縣志

陳履升浙江錢塘人任浮梁巡檢有爲盜囊橐者令畏勢不敢問履升計擒之置於法時閩寇方平悍弁虐民甚履升列款上之其人陰謀中履升旣而悔曰陳君正人也敢不服且謝過焉

錢塘縣志

王臨元字戒初山東清平人順治十八年進士康熙九年知浮梁縣事性明敏吏胥無所容奸百廢具舉十三年七月山賊陷城臨元自經死之贈江西按察司僉事

舊志 浮梁縣志

俞雲來字漢乘浙江海鹽人康熙九年進士授安仁知

縣時當兵燹雲來隨官兵招降賊朱天錫等數千人全活閭閻諸郡飢民甚眾調知湖口縣擢兵馬司正指揮

浙江通志

黃家遴字尙賓奉天廣甯人舉人康熙間歷安仁知縣升饒州知府清賦禁耗梳蠶滌冤庭無淹繫治城隍葺文廟修廡署建匯源書院以教士上多成就戢兵弭亂民甚德之

饒州府志

郭萬國河南許州人由吉安府同知擢知饒州府事康熙十四年五月耿精忠賊黨陷城萬國死之事

聞贈光祿寺卿同時殉難者饒州同知范文英字瞻斗奉天瀋

陽人貢士萬年知縣王萬鑑字人玉浙江臨海人俱贈

參政

府志作參議

鄱陽縣丞陸之蕃浙江會稽人贈僉事

府志

作經

石門巡檢翁鳳翥浙江鄞縣人饒州稅課司大使

李崇道直隸清苑人俱贈經歷

安志

饒州府志

李濱字治宜浙江仁和人康熙十八年知浮梁縣事禁

差役減導從嚴革火耗重懲漕弊徵糧行賄比法鞭扑

不施而輸將恐後逾年以勞疾卒官

饒州府志

胡績顯字康侯直隸樂亭人

一作山陰人

康熙十八年任安

仁知縣甫下車值貴溪山寇復熾績顯倡團練爲防禦

計民獲安有吳新者家赤貧將鬻妻以完逋賦廉得其

實遽止之而給銀米以資耕種又有周盛者爲貴溪防

兵所苦橫被刑毒績顯聞之怒親往辨釋之捐建省倉

重修邑志待士尤以禮去官日士民爲立講堂

饒州府志

張勸知字碧盦山西澤州人貢生康熙二十一年知萬

年縣事寇亂後瘡痍未復勤知修城郭繕倉儲革火耗招流亡鋤奸猾善政畢舉奸人陳武魁者踞邑之蘇橋邨甲寅之變受僞職爲賊鄉導及寇定復以投誠邀赦仍居蘇橋豪橫甚人莫敢撻其鋒勤知下車廉知之卽逮治斃於獄民稱快焉

饒州府志

管掄字青邨江南武進人少有詩名康熙二十六年知餘干縣事剔奸除弊修學振饑封先儒趙汝愚之墓申樵牧之禁調知新昌治行如前升刑部郎卒

饒州府志

李汝霖字雨蒼河南永城人康熙四十八年進士六十年知鄱陽縣事政尙嚴厲每獲盜無所縱必置之法一時刁黠之徒皆聞風遠遁性好士遇能文者獎勵之所甄拔者績學之士爲多後升福州知府

饒州府志

汪宏禧字介純浙江錢塘人雍正八年進士知樂平縣
事初政尙寬民玩之澆風日熾宏禧幡然改曰古人所
謂惟有德者能以寬服民信然矣於是禁賭博懲游惰
黜華靡不率者痛懲以法朞月境內肅然乃開講幄拔
英敏之士親誨之表揚孝義修治學宮廣弟子員額民
又翕然樂其化焉擢吏部主事

饒州府志

葉鎮字玉屏福建順昌人乾隆十三年進士十八年知
鄱陽縣事慈祥愷悌有古君子之風獄無大小準以情
獲盜必多方勸諭盜往往感悔嘗輯六事箴言以訓人
於士君子立身處世居官之道能舉其要後升晉州知

州

饒州府志

黃繩先字正木一字墨舫浙江鄞縣人乾隆二十二年

進士知樂平縣事折獄明敏決以晷刻而曲直纖毫無
爽人稱神明調知浮梁洞悉社會諸弊亟清釐之捐穀
備荒嚴懲盜賊善政罔不舉以疾去官民泣送者百里

不絕

饒州府志

謹案鄆縣志稱繩先善治獄知樂平

獄童

因欲盡佔張業繩先至馳詣山界見相爭處二姓

分左

右聚居中一山爲他姓業繩先笑謂童曰爾欲據

張氏

地并越此山僞明矣遂盡釋所繫諸人童無敢復

爭張

亦服殺人之罪又有老人子素比匪出數月不歸訴

之官

是日適其子之黨以他事被逮繩先旁詢及之輒

色變

遂得其夥竊李氏被毆狀然當時羣賊鼠竄亦不

知老

人子死繩先乃親至李氏旁舍見茅葦中微露

一徑

似新有人行者迹之則有殘骸一具卽所訴子也

拘李

氏一訊而服知浮梁日其地有名潘邨者潘姓族

居於

是一日有丐者死於路驗之有毆傷痕索毆者主

名不

得繩先令昇棺入潘氏祠曰是有毆傷後必有控者

留此

以待覆檢也陰令幹吏潛伺之江右人多禁忌見

輿尸

入祠一族大閨或私相詈曰某殺人奈何累舉族

吏隨

所問執之無數刻而案定豐城余上文之弟爲浮

梁人

毆死藏其尸訟二十年不決上文獨身叩闕事

下大

吏欲第論上文驚蹕罪繩先不可自往毆所勘

之試掘民宅後地卽得其弟尸冤遂白都陽獲劫盜江某賊已散歷數載堅不肯承檄繩先治之繩先念所劫有假銀二錠上年江某持至景德鎮易錢爲鋪戶所識報之官尙憶其名縣詰之盜大駭服他若餘干安仁金翁弋陽疑案重情人所難鞠者繩先亦一平反之在江西九年以積勞得疾乞歸未幾卒

黃泌字景鄴山西代州人乾隆二十二年進士任浮梁知縣以儒術飾吏治折獄一衷於理性尤清介徵收不溢正額嘗捐俸墊解牛稅永無累民升吳城鎮同知

縣志

何浩字改夫浙江會稽人乾隆五十一年知浮梁縣事甫下車卽嚴保甲以靖盜賊暇則單騎循行阡陌間獎勤懲惰與田夫野老絮語如家人相度地勢勸民濟水利以資灌溉有隙地則令植桑養蠶民受其利甚溥後以他事註吏議去之日民奔走泣送之

浮梁縣志

彭淑湖北長陽人舉人嘉慶八年署浮梁縣事廉明有威每聽訟坐堂皇縱民觀之委曲論以禮義訟者皆感悅邑有富人某被誣前令不能直淑至白其枉嚴懲訐者富人感之酬以千金淑曰若理本直我無與也固卻不受

饒州府志

殷師濂浙江人道光二年代理萬年縣事敏練有才識視事月餘判積牘數十事訟者罔不悅服緝盜尤嚴僉邪屏迹民咸惜其去之速也

饒州府志
萬年縣志

張宗裕字問樵廣東南海人監生道光三年知萬年縣事聽訟廉明尤加意文教詣鄉邨必館於塾召塾中子弟覆所誦書給以楮筆稍穎異者獎以資在任十年奉檄去十五年再任值頻歲旱蝗民困甚宗裕捐廉捕蝗

懲奸民之肆擾者撫字有方以故饑而不害尋擢蓮花

廳同知

饒州府志
萬年縣志

王同治字藻生浙江甯海人道光九年進士十二年權

樂平縣事察吏甚嚴嘗有吏侍側衣飾侈甚同治詰責

之吏悚然退嗣是不敢逞每聽訟引經折獄無不帖服

以去性極廉介罷任至不能具裝後補上猶令

樂平縣志

沈衍慶字槐卿安徽石埭人道光十五年進士以知縣

分江西歷署興國泰和諸縣所至有循聲以治最調郟

陽鄱陽劇邑號難治衍慶興革因時民大洽邑濱湖多

盜衍慶編漁戶名冊仿保甲法行之屢獲巨盜置諸法

不半年而盜絕邑俗强悍好鬪或聚族黨至千百人相

仇殺衍慶聞其端萌輕騎馳往爲剖是非析利害其事

遂平終行慶任無械鬪再遇水災皆殫心振恤所全活以數萬計治行為江西第一咸豐二年粵賊陷武昌衍慶先已治城郭及是更徵兵守康山扼鄱湖門戶自練義勇數百人克靖內亂及賊圍南昌衍慶率勇往援屢斬捷既而復還鄱陽甫經日賊至與前署令李仁元協力堅守殺賊過當卒以力窮遇害事

聞贈道銜立祠鄱陽

江西忠義錄

鄱陽縣志

謹案饒州府

育嬰堂之制施藥及耜給寒衣置義冢窮民無告者皆哀矜而惠鮮之又拓芝陽書院助諸生以學行奸民設麻聚博衍慶親往擒治焚其廠擒其人而賭風戢皆政之可紀者附識於此

李仁元字資齋河南濟源人道光二十七年進士由內閣中書改知縣補樂平縣樂平為江西巖邑民俗好勇一械鬪死者以百數十計仁元慨然曰民不畏死然後

可以致死今天下多事正此輩效順時也募驍健得六百人用捕土賊頗獲勝及賊圍南昌巡撫檄鄱陽令沈衍慶馳援以仁元代攝縣事未幾賊東竄衍慶復還任鄱陽既受代促仁元亟行仁元不可賊至攻高門不克泝流上至黃龍廟登陸析爲二一薄東門一攻北門仁元率樂平勇當北門之衝與賊殊死戰殺數十人卒以眾寡不敵遇害事

聞贈知府銜與衍慶合祀

江西忠義錄

鄱陽縣志

謹案饒

鋤強剔蠹明斷如神擒治博徒彭某焚其所居弊習頓革湧山有挖煤者侵越王程二姓山脈致訟仁元升山周視立判千言斷決之責侵界者完案息爭眾駭服禮賢下士愛育人才而束以規矩詳於訓誨而厚其資給人皆悅服焉及守鄱陽死難樂平亦陷父子墀弟其資給妹二姑皆罵賊不屈死二婢亦死母陳妻金妹大姑三姑妾楊僕婦趙皆以聞仁元凶問先賊至自盡三姑甫八齡也樂平人無少長莫不痛傷之

畢金科字應侯雲南臨沅人咸豐四年以外委從征粵寇積功至都司尋隸提督塔齊布軍塔齊布以勇聞天下金科名與之埒號長勝軍逆酋石達開之寇江西也連陷瑞州臨江等七府數十州縣金科所至常陷陣克捷六年五月破賊於饒州之章田渡逐北二十餘里奪馬匹器械無算於是長勝軍之名震於遠近其年六月賊大股攻饒州金科遇伏敗績巡道耆齡所部章武軍渡河而南郡城遂以無援陷金科憤甚益募死士進攻一鼓復之斬僞指揮游朝福等追賊壁山箴僞總制聶某賊眾奪氣走都昌鄱陽以靖以功擢遊擊名譽大振而忌金科者常齟齬之金科嘗鬱鬱不得志思立奇功自異七年正月驟攻景德鎮入市乃無一賊別挈十人

搜剿後街賊蜂起從卒亡七人傷三人金科縱橫擊刺
踐血而出賊圍之數重所乘騾傷墜金科於地賊以刃
攢刺隕焉年止二十五同治間追諡剛毅

饒州府志
曾國藩畢君

殉難
碑記

吳鎮邦字巨臣廣東人從征粵賊有功以千總候補精
悍有膽略擊賊屢勝咸豐八年率兵駐鄱陽玉田邨四
月十三日與賊戰張家山連斃數十人賊乃分兵出其
後鎮邦腹背受敵遂棄馬持矛督驍果十餘人與賊死
戰良久盡沒於陣賊憾鎮邦甚醢之當官軍與賊相持
時邨民得以其隙逸出雖覆軍殺將而民命所全實多
鄉人哀其忠立壇祀焉

饒州府志

宦績錄十三

南康府

漢

張敦字叔方吳郡人德量淵懿清虛澹泊善文辭吳大帝爲車騎將軍辟西曹掾轉主簿出補海昏令甚有惠化年三十一卒

據三國吳志顧邵傳注引吳錄補

唐 南唐增

袁承序雍州長安人武德中齊王元吉聞其名召爲學

士府廢累轉建昌令在任清靜士吏懷之

據舊唐書文苑傳補

申稷大厯中爲建昌令政平訟理流民復業鄰邑聞風來歸者日眾編戶以繁乃分修智鄉置新城鄉焉又有韋遂者元和中亦令建昌政清民和田野闢聚今孝弟鄉與靖安鄉爲二者遂所分也

嘉靖林志

崔迅會昌中令都昌公勤撫恤始成井邑民甚賴之

嘉靖

林志

何易于會昌中攝建昌令築隄捍水民享其利時爲之

歌曰我有父何易于昔無儲今有餘

明一統志

陳杲字可大咸通中知都昌縣民苦水患杲築長隄障

之民賴以安名其隄曰陳隄又咸通初孫永爲建昌令

亦築隄捍水造橋以渡人民甚便之

舊志

邵師裕咸通中爲建昌令以德治民鄰境慕之多來歸

附今其地有卜鄰鄉取王翰卜鄰意也

豫章書

朱弼南唐時爲廬山國學助教動持禮法每升堂講誦

生徒環立問難弼應聲解說莫不造微諸生咸服四方

肄業者多歸焉

明一統志

李善道南唐時爲廬山國學主教學徒數百人皆爲時

望今白鹿洞書院祀之

南康府志

宋

孔宜字不疑兖州曲阜人孔子四十四世孫太平興國中自黃州軍事推官遷司農寺丞掌星子鎮市征宜上言星子當江湖之會商賈所集請建爲軍詔以爲縣就命宜知縣事後以爲南康軍

據宋史儒林傳補議案南康置軍由宜論奏援入

宦績亦冠轄錄楊允恭之例

洪沂慶厯初知都昌縣教民以陶瓦代竹一邑便之未及朞民安物阜政事一新邑人爲立坊曰新政以表其

德

嘉靖縣志

姚仲孫陳州商水人仁宗時知建昌縣初建昌運茶抵南康或積道閒爲霖潦所敗主吏至破產不能償仲孫

勸吏民輸山木卽高阜爲倉邑人利之據一統志補

魯有開字元翰亳州譙人知南康軍代還值熙寧行新

法王安石問江南如何曰法新行未見其患患當在異

日也以所對乖異出判杭州官至中大夫卒宋史備吏傳

徐師回字望聖元豐中知南康軍性耿介不事浮華公

暇建亭明月泉上曰吾欲守廉如此水之清又建堂植

八杉號曰直節曰吾欲守節如此杉之直從祀二賢祠

南康府志

朱熹字元晦一字仲晦徽州婺源人紹興十八年進士

淳熙五年知南康軍至郡興利除害值歲旱講求荒政

多所全活訖事奏乞依格推賞納粟人閒詣郡學引進

士子與之講論奏復白鹿洞書院創爲學規俾遵守之

明年夏大旱應詔條具民間利病語甚激直上讀之大
怒陳俊卿趙雄交薦於上乃除提舉江西常平茶鹽公
事旋錄救荒之勞除直祕閣以前所奏出粟人未推賞
辭歷官煥章閣待制祕閣修撰致仕卒年七十一諡曰
文瀄祐元年從祀孔子廟廷

宋史道學傳 謹案舊志
兼列寓賢今去彼存此

王休字子美授南康軍簽判郡素號江東道院朱文公
爲守日課諸生講書休亦相與發明事無鉅細悉委以

治

樓攻
魏集

錢聞詩字子言成都人瀋熙閒知南康軍博覽經書崇
尙儒雅新書院修石堤增養士之田復釋菜之禮士民

戴之

嘉靖
林志

朱端章瀋熙閒知南康軍寬以愛民廉以律己設官田

七百餘畝於白鹿洞以贍四方之來學者

嘉靖林志

張南金慶元二年爲星子令廉明純正以審號令清案

牘爲先務久之囿園空虛邑內藹然有禮讓之風累官

至戶部侍郎

嘉靖林志

王仲傑慶元初知星子縣事嘗督創白鹿書院老成忠

厚民甚愛之

安志

黃桂嘉定間知南康軍事築左蠡城又有陳醇祖者字

道初温州瑞安人嘉熙二年進士亦知南康軍以築城

置隘及他興作之事聞

嘉靖林志南康府志

趙師夏字遠庵台州黃巖人紹熙元年進士嘉定間知

南康軍愛民節用奏以星子縣請分稅錢對補上供撥

梅洞寺田及魚池入三縣社倉以儲穀濟民

豫章書院志

陳宓字師復興化人丞相俊卿之子嘉定中出知南康軍至官歲大侵奏蠲其賦十之九會流民羣集宓就役之築江隄而給其食時造白鹿洞與諸生討論改知南劍州主管崇禧觀卒贈直龍圖閣

宋史

張慮字子宓慶元府慈溪人慶元二年進士遷祕書丞改著作郎以疾乞外出知南康至郡剖決滯訟眾皆悅服前守陳宓以錢七千緡置濟民庫爲築城費慮至曰不必取贏於民吾捐萬緡爲倡繼是倘不已何患事之難成轉運使以錢萬二千緡置平糶於郡慮復出錢萬二千緡以增益之民賴其利將增建禁旅營地屬民者索質劑視元直償之徙知處州厯官工部侍郎兼國子

祭酒

宋史

桂萬榮字夢協慶元府慈溪人慶元二年進士授餘干

尉邑多豪右一裁以剛介而御小民以慈愛秩滿調建

康司理尋通判平江升知南康軍事檢吏奸省浮費征

稅以法進直祕閣遷尚書右丞奉祠據浙江通志補

陰比事其自序稱四明人貴溪縣志援入選舉殆據諸牒所列而未一攷其籍貫也今訂正

許子良字肖說婺州東陽人嘉熙二年進士以宣教郎

知都昌縣事時庫藏赤立子良節縮浮冗兩年之間供

輸有餘轉承議郎差幹辦行在諸司糧料院加朝散郎

卒據明宋濂文集補

陸德輿淳祐間知南康軍首議振恤之令以郡舊儲羨

錢置倉藏粟名之曰淳祐義廩民多賴焉嘉靖林志

袁從修寶祐間知南康軍以表揚忠義為務修靖康忠

臣張叔夜墓以冰玉諸公附祀後從祀二賢祠

安志

趙與夔景定閒知南康軍事覈社倉復其原額繕治城

池造軍衣及弓矢旗幟諸器百廢具興

豫章書

劉溥漢成淳閒知南康軍事修淳熙救荒之政捐俸濟

貧買田積穀其他利民之事興建爲多

明一統志

謹案舊志有陳舜俞傳言謫酒稅五年名勝多所題詠蓋騷人韻士之爲非治譜所尚也今刪

元

陳炎酉至元中爲南康路總管修白鹿書院興學振饑

招集流亡四萬餘口有麥秀兩岐之瑞民立祠祀之

志

王彥弼蠡之博野人爲南康路總管督諸縣定民產高下徵役視農事急緩流亡者悉復業焉三歲再蝗冒暑

率民吏驅瘞蝗不爲災江岸石閘朱子所造也彥弼復修之以禦風濤商旅泊舟者得無恙改江州路總管除前官厲民之政暇詣郡庠及濂溪景星兩書院勉勵士學咨詢民瘼郡庠日就摧壓出學廩之粟各二百斛畀四士分任修葺一瓦一木不以煩有司禮殿堂廡之屬煥然一新郡城北瀕大江城壞無議完繕者彥弼慨然興築其夏水大至郡民皆曰公實生我也任滿還蠶不

復仕

吳澄所撰墓碑

徐君寶至元中爲建昌州判時夏苦雨民艱食君寶立券假官吏俸與穀百餘石以振之至秋民輸穀以納復捐俸爲義倉寮屬與州人慕義者悉出穀以助得五百餘石立士人掌之水旱有備民無荒札之虞

豫章書

蔡瑛字子華至正初知星子縣事爲政廉明有商人子
李冬兒爲人誘持以去冬兒父誣保安千戶爲的樞實
殺之獄具未決瑛至廉得冬兒不死狀密使人致之獄

遂白吏士皆歎服

嘉靖志
南康府志

孫天民字可達濟南人至正閒爲南康路總管嘗建譙
樓修學宮學田見侵者悉復之平心治人清節甚著

豫章

明

王禕字子充浙江義烏人太祖征江西禕獻頌喜曰江
南有二儒卿與宋濂耳尋掌起居注已命同知南康府
事賜金帶寵之在任有善政多所建明太祖卽位召還
議禮洪武五年命禕齋詔諭雲南遇害詔贈翰林學士

諡忠文

白志 南康府志

呂明當塗人甲辰年知南康府事時兵戈初息民多散亡官民靡宇鞠爲茂草明乃卽僧寺創草舍治事招撫流移躬行田野以督耕桑聽斷不事刑威惟訓以義諭以法民皆感化無敢梗者

明一統志

朱敏字悅道浙江義烏人洪武五年以監察御史改知

星子縣事興學勸農奏減稅糧茶貢民困獲蘇尋以遷

去

嘉靖林志 謹案浙江通志作朱文洪武六年舉明經後升贛州府同知

卞同吳縣人洪武二十五年知都昌縣事撫牧有方政

聲丕著任滿超擢河南知府

明一統志 都昌縣志

李守中浙江湖州人洪武中知南康府事廉潔自守辭

常祿弗受薪水之外一毫不取於民

南康府志

林士敏福建莆田人洪武三十二年由郎中知南康府事文學政事皆擅名於時歷任既久民心愛戴去有甘

棠之思

嘉靖林志
南康府志

胡龍福建人洪武閒由進士任星子知縣廉勤公正疏

食布衣除革吏弊民深服之擢監察御史

嘉靖林志
星子縣志

謹案進士題名碑洪武二十一年進士胡隆福建閩縣人

唐冕四川順慶人永樂初知星子縣事剛介廉明案無

留牘時邑中田廣民稀冕奏召鄰邑無田者八百餘家

占籍佃種田不荒蕪而民日以庶

明一統志

楊鐸薊州人永樂閒知星子縣事廉明有爲撫字不倦

他郡民來歸者四百餘家

明一統志
南康府舊志

劉騏福建閩縣人宣德初由御史出知南康府作新土

類勸課農桑政治聿新士民仰戴從祀三賢祠

嘉靖林南志

康府志

翟溥福字本德廣東東莞人永樂二年進士知新淦縣遷刑部主事正統元年七月詔舉廷臣堪爲郡守者溥福以刑部員外郎擢南康知府先是歲歉民有擅發富家粟及收取漂流官木者前守悉坐以盜當死者百餘人溥福閱實杖而遣之地濱鄱陽湖舟遇風濤無所泊爲築石隄百餘丈以便往來興復廬山白鹿洞書院延師訓其子弟朔望躬詣講授考績赴部以年老乞歸侍郎趙新嘗撫江西大言曰翟君此邦第一賢守也胡可聽其去懇請累日乃許之辭郡之日父老爭贖金帛悉不受眾挽舟涕泣因建祠湖隄祀之又配享白鹿書院

之三賢祠

明史循吏傳 謹案
明一統志作崔溥誤

陳敏政

明一統志
作陳敏誤

字志行浙江仁和人宣德二年進士

景泰中由通判擢知南康府宅心公正輔善抑強復社

倉修石隄建白鹿書院百廢具舉民不告勞郡人德之

從祀三賢祠

嘉靖林志
兩浙名賢錄

孔鏞字韶文南直隸長洲人景泰五年進士知都昌縣

事分戶九等以定役設倉水次便收斂民甚賴之

明史

何濬河南人舉人成化初知南康府事時值大旱移檄

鄰郡貸米萬斛給饑民全活者眾興學勸農政教兼舉

嘉靖

林志

許容字孟敬河南安陽人景泰五年進士成化閒以太

僕寺丞出知南康府政令嚴明開河道以通商旅實義

倉以備災侵修葺文廟禱雨輒應從祀三賢祠

嘉靖林南

康府舊志

吳紳南直隸歙縣人舉人成化閒知都昌縣事宅心平恕為政有方興利革弊民皆向慕歷官至都轉運使

嘉靖

林南志

曹凱字宗元山東益都人由參政左遷衛經歷尋擢南康知府豈弟慈祥廉明剛果工折獄牘至剖決如流獄無淹滯儲積以備荒招徠以實土編戶日益政治為之

一新

嘉靖林南志

劉定昌四川綦江人成化十一年進士

原作宏治進士誤

知南

康府事崇大體謹細行執法無私興學造士有古循良

風焉

南康府舊志謝志原案明一統志作劉定安志作正德閒任

劉章隆慶州人正德閒知南康府事爲政公勤操持清慎修府治不費公帑民爭先趨之卒於官士民感愴

南康

府志 謹案謝志作劉辛慶州人今從南康府舊志改正

林寬福建莆田人監生正德閒爲南康府通判當宸濠倡亂之後招四邑人民歸耕又勦平九姓漁戶都御史

王守仁唐龍交薦其才

安志 南康府舊志

張愈嚴四川眉州人正德六年進士知南康府事兵燹之後愈嚴安輯流亡節財愛士均里甲恤貧民善政畢舉入覲卒於途歸櫬南康老穉爲之巷哭

安志

熊价湖廣零陵人舉人正德十五年知安義縣事逆徒

楊本榮等爲亂价與通判林寬奉檄進勦多所擒獲誅

首惡免株連地方以靖敘功升河池州知州

據南康府志補

陳嘉言直隸薊州人嘉靖初爲星子縣典史流賊劫掠商舶嘉言率其義男與邑民宗允春等二十四人追至四山賊縱擊援兵不至遂被害義男及允春等俱溺死

志安

董淞字宗海浙江鄞縣人舉人嘉靖八年授南康府推官性嚴介豪右莫敢干以私獄有無辜者悉平反之全活甚眾嘗構官廨得昔人所藏寶器叱吏入於帑漁人於重淵獲千金或執之詣府淞曰此天賜也仍給漁者

厯攝建昌都昌安義星子四縣皆有聲

據鄞縣志補

楊昱福建長汀人嘉靖中任都昌知縣操履端嚴布袍疏食減偏累之糧卻歲時之饋民悅之尋以憂去

據南康府志

補志

林貴兆字道行浙江太平人舉人授都昌令茹檠飲冰始終一轍時嚴嵩父子秉政趨附者眾貴兆曰我豈能爲若作鷹犬邪卽日解印綬去父老涕泣留之爭爲立

祠

據浙江通志補

陳舜咨字雲洲湖廣零陵人恩貢生萬厯三年知都昌縣事仁明廉幹卻歲例杜私謁置學田修邑志築後河新壩豁積年虛糧吏不擾民案無留牘升惠州府通判

據南康府志補

邱度字志中南直隸山陽人萬厯五年進士授南康司理勢宦家僕占民田殺人諸問官不敢詰度至以田歸民而抵僕於法一郡大驚監九江鈔關諸瑣屑及乘風宵渡者皆不問然額亦不乏掇知汝甯府清慎爲天下

第一歷官戶部侍郎卒

江南通志

卷之三十三 南康府

三

陳克勤字禹門四川資縣人舉人萬曆八年知建昌縣事與利別蠹吏咸畏之嘗清田得地千餘畝以抵貧戶虛糧減水鄉重則貧富皆蒙惠焉時推官某署安義縣事爲奸民所紿議割縣之釣臺鄉以贍安義大吏將從之克勤歷訴當道言其不便詞義慷慨議遂寢任滿遷

固原知州

據南康府志補

吳寶秀字汝珍浙江平陽人萬曆十七年進士授大理評事二十六年出知南康府湖口稅監李道橫甚寶秀不與通會漕舟南還乘北風揚帆直入湖口道欲權其貨遣卒急追之舟覆有死者道卽遣爪牙吏持牒至郡捕漕卒寶秀拒不發道大怒飛章劾寶秀及星子知縣

吳一元青山巡檢程資阻撓稅務詔俱逮治寶秀妻陳氏慟哭請偕行寶秀不可乃括餘貲及簪環得銀三兩許付寶秀曰夫子行以爲路費遂夜自經死寶秀至京下詔獄星子民陳英儒士熊應鳳等走京師伏闕訟冤請以身代大學士趙志皋疏救皇太后亦聞陳氏之死從容爲帝言因與一元等並釋爲民歸家踰年卒初南康士民建祠祀陳氏後改建合寶秀祀之天啟中贈太僕少卿

明史
白志

方可權字惟中南直隸績溪人舉人萬厯中知星子縣事革耗羨捐贖錢多置船以救溺又造哨船以代徭役卒於官士民哀慕祀名宦

據安徽
通志補

費兆元字臺簡浙江烏程人萬厯二十三年進士任南

康知府居官清正助婚瘞發倉廩增開減稅惠政罔不

修舉發奸摘伏如神口碑常載道累官刑部侍郎

安志

楊三省字紫凝浙江太平人以選貢入北雍試第一授

江西安義令居常沈默寡言遇事剛斷劉總戎僕殺人

當道置不問三省鞫得其狀立置之法歲侵煮粥療饑

告糴散種寬積逋籍糧額政聲大著升茂州知州番民

悅服以剛直忤上官遷潞藩左傳遂引疾歸

浙江通志

羅尙忠字心華南直隸青陽人萬厯四十一年進士補

建昌知縣政平訟理尤精於衡鑒辛酉分校入闈章世

純朱健朱徽皆出其門時號得人最厯官太常少卿

安志

袁懋貞字九滌南直隸泰州人舉人知南康府事鉤剔

蠹隱不少徇飭兵清賦建隄築閘延禮耆宿爲白鹿洞

弟子師百姓蒙庠士林亦被其澤升雲南副使南康府志

李應昇字仲達南直隸江陰人萬曆四十四年進士授

南康府推官出無辜十九人於死寘大猾數人重辟士

民服其公廉爲之謠曰前林後李清和無比林謂晉江

林學曾以清慎著稱者也九江南康閒有柯陳二大族

相傳陳友諒苗裔負固強梗嘗拒捕有司議兵之應昇

單騎往諭皆叩頭聽命出所匿罪人一方以定白鹿書

院久廢應昇爲興復之徵擢御史以忤璫削籍下詔獄

掠死年甫三十四崇禎初贈太僕卿錄一子福王時諡

忠毅明史一統志舊志原案東林列傳應昇在南

招集士人旬有小會月有大會會期親詣洞宿與諸生

質疑問難推明紫陽之教一時從遊學者千里應之其

成名於世者指不勝屈

汪宗文字四溟湖廣蘄州人舉人天啟閒知南康府事

寬和清栗愛士恤民施藥以濟人捐俸以貸餉修城築

隄練兵講武地方利賴之升雲南副使

南康府志

何起龍四川成都人舉人天啟初任南康府同知署建

昌令有幹才鄱陽湖有大木二伏水中舟過爲患相傳

以爲神起龍命習水者曳其木上鏤以爲龍王像置宮

亭湖廟中祀焉自後舟行遂無恙

安志

張士亨湖廣潁浦人崇禎閒知安義縣事鄰邑李肅七

肅十爲寇士亨奉檄勦撫民賴以安著有平寇錄

安志

吳賜玉字輯五南直隸歙縣人以蔭授南康府通判戈

陳賊寇南康賜玉率丁壯數十人往勦時賊已去城三

十里據岡爲陣賜玉追及發一矢中賊冠賊拔嗅之曰

未傳毒乃下岡反擊賜玉躍馬持鞭格殺數賊卒遇害

贈按察司僉事

一統志
白志

國朝

聶應井四川宜賓人舉人順治二年知南康府事守城

禦寇地方賴之後隱廬山子孫遂家焉

安志

李長春字升圃遼東人諸生順治初知南康府事兵燹

後雅意綏撫獄訟無冤乞糴賑饑費不言惠與復白鹿

洞書院文敎以昌擢本省按察使歷楚藩內升便道入

洞與諸生講學信宿乃去

安志

溫可掬直隸人順治四年任南康府通判金聲桓之亂

死之又有俞之琛者福建人建昌縣丞順治戊子武甯

寇率眾陷城官民逃竄殆盡之琛朝服端坐須臾賊至

擁之歸營誘使降之琛握拳透爪罵賊不屈凡三晝夜

遇害 安志 福
建通志

黎民貴字汝良江南懷甯人順治五年授南康府湖防

同知招撫安義朋塘土寇熊進興等安插九江鎮營協

捕建昌土寇孔伯宗餘黨四境肅清以料價未完鐫級

尋起補廣州府同知就遷知府 南康府志

周燦字星公陝西臨潼人順治十六年進士任南康知

府郡境臨湖多水患燦設救生船以拯溺者暇與白鹿

洞諸生講學多所成就升四川提學 陝西通志

王然字忍亭順天宛平人官學生康熙二十年知建昌

縣事下車首以正風俗敦教化為務朔望講約真摯動

人歲舉鄉飲酒禮敬老字幼民皆化之歲大潦發粟賑

饑躬自省視不假手吏胥民得沾實惠焉尋以憂去

建昌

縣志

毛德琦字心齋浙江鄞縣人恩貢生康熙五十三年知

星子縣事廉明有惠政以興廢舉墜自任手輯廬山白

鹿洞二志增修郡乘新府縣學宮升遵化州去士民思

之祀白鹿洞報功祠

星子縣志

楊瓚山西聞喜人雍正二年進士七年任建昌知縣性

嚴明不苟言笑期年之後吏輯民安豪猾皆斂迹暇進

諸生講論示以程式文教振興士氣蒸蒸日上學者稱

爲荆崖先生

建昌縣志

黃榮鎮山西代州人舉人乾隆二十二年知安義縣事
居官勤慎民投牒不限以期訟至卽決處斷明允民大

服之訟因是日簡性廉介服御不具嘗整冠冠纓忽絕

上官見而易之蓋嘉其有守也

南康府志

狄尙綱字文伯江蘇溧陽人乾隆四十六年進士嘉慶十二年任南康知府清理滯獄不假刑威囚無不自輸其實者由是名譽大起大吏嘗檄至會垣以巨獄委之在郡二十餘年百廢具舉其大者如文廟禮器城郭隄防與夫興賢育才埋醜掩骼之政皆以郡祿所餘爲之倡道光十年引疾致仕尋卒郡人祠祀焉

南康府志

周繼圻字耿堂順天宛平人舉人嘉慶十八年知都昌縣事值歲荒多盜繼圻捕其渠按治如律密諭富室出粟平其糴以振貧民於是暴除而良善獲濟在官三年民安其政調知南昌縣遷至江蘇淮揚兵備道

南康府志

西金額江甯府駐防滿洲人舉人道光十八年任建昌

縣事

一作二十年任

性簡質不事粉飾爲政有明決才案無

留牘催科不擾刑罰不濫吏民咸畏服之每以事至鄉

裏飯而往簡儀從禁需索絲毫無所取於民人尤以爲

難及云

南康府志

許道卿浙江會稽人監生咸豐二年任都昌縣周溪司
巡檢四年十月粵賊自鄱陽竄入號稱數萬道卿率團
勇分途禦之眾寡不敵被執不屈而死事

予雲騎尉世職給全葬銀如例

南康府志

周祖誥字雲笈浙江錢塘人舉人咸豐三年以知縣分
江西四年代理豐城縣事值鄱陽湖水發幾毀隄岸祖
誥捐廉爲民倡晝夜堵築隄賴以完明年調署安義時

粵賊已陷奉新靖安安義邑小而無險四面偏賊巢祖
誥命鄉自爲守人自爲戰賞罰維平事無大小皆親決
不假胥吏夜則徒步巡行雨雪無閒故雖寇警沓至而
盜賊斂迹治行稱最六年正月賊益偏幕客家僮星散
祖誥知事不可爲出倉庫錢糧及獄囚具公牘申省而
自居危城不少動未幾賊大至祖誥率鄉兵數百人出
禦眾寡不敵敗還賊乘之門不及扃入署賊繼至祖誥
厲聲曰但殺我無殺民遂遇害

江西忠義錄
安義縣志

尹世堂字鶴琴廣東南雄州人附貢生初爲東鄉縣丞
咸豐七年權都昌縣事會粵賊東竄世堂督團練勸捐
輸理民詞治賊黨獨力經營皆持以寬然有餘之意自
六月至明年正月與兵事相終始屢挫賊鋒民益恩義

相周浹然卒以憤兵出戰計不反顧力窮被圍死之士

民間變家祭巷哭爲集白金數千贖其喪焉事

聞卹廕如例

都昌縣志

宦績錄十四

九江府

漢 吳埶

徐盛字文嚮琅琊人客居吳以勇氣聞孫權統事

案在

建安五年以爲別部司馬授兵五百人守柴桑長拒黃祖祖

子射嘗率數千人下攻盛盛時吏士不滿二百與相拒

擊傷射吏士千餘人已乃開門出戰大破之射遂絕迹

不復爲寇

三國吳志

陸抗字幼節吳郡吳人赤烏九年遷立節中郎將與諸

葛恪換屯柴桑抗臨去更繕完城固葺其牆屋居廬桑

果不得妄敗恪入屯儼然若新而恪柴桑故屯頗有毀壞深以為慙太平二年魏將諸葛誕舉壽春降拜抗為柴桑督赴壽春破魏牙門將偏將軍遜征北將軍官至大司馬荊州牧三國吳志謝志原案徐盛陸抗林志俱不載但後漢書郡國志立柴桑縣於豫章太平寰宇記云為柴桑督是宜入九江者因采錄之柴桑長陸抗傳云為柴桑督是宜入九江者因采錄之至若兩漢書所載九江太守有王嘉宋均服虔盧植邊讓諸人考漢之九江所統十四城與今之江西無涉故不敢混載又按九江府志及林志載晉華軼應詹溫嶠劉允庾亮褚裒翼王羲之王允之謝尚桓冲桓伊何無忌劉敬宣孟懷玉庾悅宋王宏庾道濟齊陳顯達梁蕭秀等俱已采入統轄名宦皆以江州刺史都督數州軍事者所轄甚廣不得以九江一郡當之也

梁

沈瑀字伯瑜吳興武康人天監中為信威蕭穎達長史尋陽太守瑀性岷彊每忤穎達穎達銜之瑀謂人曰我

死而後已終不能傾側面從遂爲所害據梁書良吏傳及一統志補
謹案舊志有南齊庾宏遠傳宏遠從陳顓達舉兵兵敗被刑其事不可入名宦今刪

陳

孔奐字休文會稽山陰人光大二年爲信武將軍尋陽太守行江州事高宗卽位進號仁威將軍雲麾始興王長史餘如故奐在職清儉多所規正高宗嘉之據陳書本傳補
徐儉一名眾東海郟人後主時遷尋陽內史爲政嚴明盜賊靜息官至御史中丞領右軍卒據陳書本傳補

唐 南唐 唐

李芄字茂初趙郡人李勉觀察江西表芄署奏判官永泰初宣饒劇賊方清陳莊聚眾據山洞西絕江路劫商旅爲亂支黨盤結芄請於秋浦置州守要地以破其謀

勉是其計奏以宣州之秋浦青陽饒州之至德置池州
詔芄攝行州事居無何魏少游代勉爲使復表署都團
練副使頃之攝江州刺史州人便之

新舊唐書

韋辭字踐之以事累出爲朗州刺史再貶江州司馬厯

湖南觀察使吏民稱治

九江府志

王鏐字昆吾太原人嗣曹王皋爲湖南團練使擢任鏐
使誘降武岡叛將王國良有功表爲邵州刺史及皋節
度江西李希烈南侵皋與鏐勁兵三千鎮尋陽自以全
軍臨九江襲斬州盡以衆濟乃表鏐爲江州刺史兼中
丞充都虞候因以鏐從鏐小心習事善得軍府情狀畢
以白皋皋亦推心委之累官同中書門下平章事卒贈

太尉

舊唐書

白居易字樂天其先太原人徙居下邳敏悟工文章未冠謁顧況況曰吾謂斯文遂絕今復得子矣貞元中擢進士補校書郎元和元年召入翰林爲學士遷左拾遺四年早居易建言乞盡免江淮賦以救流瘠且多出宮人憲宗頗采納累官拜左贊善大夫是時盜殺武元衡居易首上疏請急捕賊刷朝廷恥宰相嫌其出位不悅貶江州司馬旣失志能順適所遇託浮屠生死說若忘形骸者久之徙忠州刺史歷官太子少傅會昌初以刑部尙書致仕卒贈尙書右僕射江州人爲立祠唐書

錢徽字蔚章吳郡人貞元初進士長慶元年爲禮部侍郎忤宰相段文昌貶江州刺史初州有盜劫貢船捕吏取江濱惡少年二百人繫訊徽按其枉悉縱去數日舒

州得真盜州有牛田錢百萬刺史以給宴飲贈餉者微
曰此農耕之備可他用哉命代貧民租入厯官吏部尙
書致仕卒贈尙書右僕射

唐書

李渤字濬之洛陽人穆宗卽位爲考功員外郎出爲虔
州刺史渤至州奏還鄰境信州所移兩稅錢二百萬免
稅米二萬斛減所由一千六百人觀察使以其事上聞
未滿歲遷江州刺史張平叔判度支奏徵久遠逋懸渤
在州上疏曰伏奉詔敕云度支使所奏令臣設計徵填
當州貞元二年逃戶所欠錢四千四百一十貫臣當州
管田二千一百九十七頃今已旱死千九百頃有餘若
更勒徇度支使所爲必懼史官書陛下於大旱中徵三
十六年前逋懸臣任刺史臯無所逃臣旣上不副聖情

下不忍鞭笞黎庶不敢輕持符印特乞放臣歸田乃下
詔曰江州所奏實爲懇誠若不蠲容必難存濟所訴通
欠並放渤又治湖水築隄七百步使人不病涉入爲職
方郎中遷諫議大夫厯官太子賓客卒贈禮部尙書

唐書

劉秉仁乾符閒爲江州刺史賊李彥章者掠江西秉仁
乘驛之官單舸入其水寨賊出迎請降秉仁執其渠斬
之散遣其眾百姓遂安

豫章書

塗曉

九江府志作徐曉

僖宗時以中散大夫爲江州刺史以廉

能稱當時士林重其才品號爲金聲玉色

豫章書

廖凝字熙績衡山人少隱居南嶽初不應召後江南賊
起凝曰與其抱道以死孰與就義以存吾宗遂出爲彭

澤令募陶處士爲人已而笑曰淵明不以五斗折腰吾

甯久爲人役卽解印歸衡山

十國春秋

周宗字君太秣陵人

一作廬陵人

嘗給使烈祖左右及烈祖

鎮金陵宗爲都押牙旣贊禪代累遷內樞使罷爲鎮南

軍節度使初俞文貞爲烈祖幕賓宗及馬仁裕皆從給

使至是宗出鎮江州文貞猶爲其州巡官方旅見輒問

宗曰馬押牙何在宗笑曰馬相公出鎮浙西久矣他日

豫公宴宗勸以酒文貞挽手曰下官基局飲量令公所

知也一座愕然而宗不之罪其寬厚類如此

馬令南唐書

皇甫暉魏州人歷歙州刺史神衛軍都虞候奉化軍節

度使加同中書門下平章事周師攻淮南爲北面行營

應援使會劉彥貞姚鳳兵以行彥貞舉動躁撓人測其

必敗暉獨持重部分甚整士亦樂爲用周人頗憚之及
彥貞敗死暉鳳退保清流關周世宗分兵襲清流暉大
敗行入滁州刺史王紹顏已委城遁暉無所歸方斷橋
自守周兵涉水踰城而入執暉鳳送壽州行在世宗賜
之馬及衣帶數日創甚暉不肯治而卒

陸游南唐書
謹案暉事於江

西無涉以其死節且
爲舊志所有姑存之

胡則後主末爲江州指揮使金陵陷曹彬以後主手書
諭郡縣悉以城降書至江州刺史謝彥賓集將佐視之
謀納款則憤形於色亟出謂其下曰吾屬世受李氏恩
安可負之且都城久受圍此書真僞不可辨刺史不忠
欲污吾州爾輩能從我死忠義乎眾皆曰善乃率同列
宋得明等大譁入攻彥賓執而殺之眾推則爲刺史號

令肅然莫敢不聽於是日夜閱丁壯勒部伍為堅壁死
守計宋太祖命曹翰攻之堅不可破翰軍死傷者眾會
則疾革不能起城始陷翰執則將礫之而則已死腰斬

其屍

陸游南唐書

吳仲舉字太沖永興人後主時為彭澤主簿宋師南侵
曹彬檄江南郡縣納款使至彭澤彭澤令已望風迎降
仲舉以大義責之殺彬使者已而為彬所執仲舉曰吾
世祿李氏國亡而死職也彬義而釋之

十國春秋謹案吳仲舉舊志

作吳舉今改正仲舉後入宋官零陵令非終不
屈於宋者舊志節取之殆亦善善從長之義
謹案舊志有鄭善果章應物二傳鄭傳言其母崔氏之
教不知其母死於隋末鄭為江州母歿已久且清名頓
衰也章傳言其婦地焚香賓朋酬唱此文士所樂道非
吏治之所先應物唐代名流姓氏之傳不緣方志今與
善果傳並從刪汰略著徵實去浮之意

宋

鍾離瑾字公瑜合肥人開寶間爲德化令守義愛民有女將嫁許氏得一媵女於臨川一日瑾視事歸見女流涕有戚容詰之曰吾父曾令是邑不幸與母俱亡今十年矣適見明府視事追感吾父不覺淚下瑾大驚遂易其衣服養爲己女時許氏納采有日瑾以書告緩其期曰吾買媵而得前令之女將輟吾女匱資先嫁之許氏亦惻然報書曰君侯能抑己女而振人之孤女盛德事也吾有季子願以爲婦卒與俱歸久之瑾夢綠衣丈夫造謝曰不圖賤息辱賜於君今得請於帝奉公十任官祿後果歷十郡太守終江淮發運使

嘉靖林志

周述太平興國二年知江州施政安民崇尚儒道時白

鹿洞學徒數千百人述上疏乞賜九經肄習詔國子監

給印本仍傳送之

文獻通考 九江府志 謹案周述舊志作周述

康戢字休祐高麗信州永甯人少好學隨賓貢肄業國

學太平興國五年登進士第解褐大理評事累遷知江

州以清白幹力聞改太常博士官至京西轉運使加工

部郎中賜金紫戢所至好行事上章多建白以竭誠自

任蘇易簡稱其有吏才焉景德三年卒

據宋史高麗傳補

張若谷字德繇南劔沙縣人進士及第知濠陽縣三司

言廣甯監

謹案廣甯監屬江州

歲鑄緡錢四十萬其主監宜擇人

乃以命若谷歲餘所鑄贏三十萬緡擢知處州歷江湖

淮南益州路轉運江淮制置發運使後爲龍圖閣學士

知洪州所至有循良績不激訐取名云

據宋史本傳補

羅彥輔字經世當塗人嘉祐進士調南城尉以捕盜功移江州令南城人有感其德者篋金追送於路彥輔固謝不受用薦改著作佐郎知湖口縣僚吏有誣彥輔者時劉述爲郡守曰羅湖口廉吏也按得其情反坐之遷少府監簿復與長官論不合謫江州酒稅或令求直答曰九江去家近奉親便復何求哉後判和池二州尤著

績

九江府志

唐敏求當塗人宣和六年調德化簿盜起敏求挺身率眾捍賊度力不能支諭以禍福賊憤詆觸噪而前遂遇害

據一統志補

趙士隆字景瞻太宗之後初爲郡縣吏累遷至淮南西路兵馬鈐轄駐壽春劇賊丁一箭眾號十萬來攻城擊

走之以功授江東路鈐轄李成叛遣其黨馬進圖九江
九江守臣姚舜明與士隆及副鈐轄劉紹先禦之時守
城罷卒僅數千捍賊百餘日城中食盡舜明紹先議縱
火因棄城去士隆獨毅然糾合部曲餘民守城城破眾
號呼曰無殺我趙鈐轄賊入城大掠成素服士隆之義
欲以爲僞安撫使士隆怒罵曰賊欲屈我邪陰裂帛以
書使示諸子曰賊不殺我我義不苟活汝輩得出爲我
雪恥遂仰藥而卒賊怒并害其家數十口事聞上嘉悼
贈武功大夫官其孫二人

宋史忠義傳

胡舜陟字汝明徽州績溪人自幼端重登大觀三年上
舍第紹興二年知江州兼沿江安撫使時新經李成之
禍止存空壘舜陟修城訓兵他日賊劉忠至城下聞有

備去後官知靜江府忤秦檜下獄死贈少師

據宋史本傳羅願新

安志補

趙士邁宗室子以武翼大夫守官江州紹興五年馬進

寇江州士邁遇害贈武德大夫官其家二人

宋史忠義傳

呂廣問字仁甫其先開封人南渡後居新安以教授宣

學江西時羣盜竄起侍郎李光帥豫章辟廣問入幕多

所裨贊既而爲言者所中罷知德化縣招輯流亡建學

舍息獄訟既去邑人祠之於學

據新安文獻志補

韓彥直字子溫延安人世忠子登進士第乾道中拜司

農少卿進直龍圖閣江西轉運兼權知江州時朝廷還

岳飛家貲產多在九江歲久業數易主吏緣爲奸彥直

搜剔隱匿盡還岳氏復爲司農少卿總領湖北京西軍

馬錢糧歷官至顯謨閣學士轉光祿大夫致仕

宋史

林栗字黃中福建福清人紹興十二年進士調崇仁尉教授南安軍孝宗時以言事忤執政出知江州有旨省併江州屯駐一軍栗奏本州上至鄂渚七百里下至池陽五百里平時屯戍誠若無益萬一有警鄂渚之戍上越荆襄池陽之師下流增備中閒千里藩籬誠爲虛闕無以一夫之議而廢長江千里之防由是軍得無動後進集英殿修撰知隆興府歷知泉州明州奉祠以卒諡簡肅

據宋史本傳補 詳案栗議江州毋撤屯戍一事於長江形勢深切著明足爲後來之法用補入以

資考鏡

劉穎字公實衢州西安人江西運使判江州時德化縣民逃徙大半田盡荒守臣乞蠲稅不報穎以見種之稅

均於荒萊民願耕者遞減之於是逃民盡復

明一疏志

汪大定字季應慶元府鄞縣人大猷弟甯宗時知江州事江州素號名郡自征賦弗辦又耗於游士之干請至是帑藏遂不盈萬緡而負諸司之錢幾二十萬官兵俸給亦積至萬五千大定矍然曰朕民膏血而使往來者挹取之以邀虛譽吾不忍爲也會詔申游謁之禁大定奉行尤嚴凡有挾而來者止謝以尊酒或恐由此起謗不爲動謹朱墨節浮費屬邑舊逋盡蠲貸之不數月而用粗足補解諸司十七萬緡吏俸亦以次支給治獄仁恕懲惡黨綦嚴姦盜爲之屏迹慶元四年罷歸次池陽得疾卒

據樓鑰攻媿集補

余崇龜字景望興國州人開禧中知江州事新學校築

城隍躬行阡陌與百姓同勞苦政聲著聞官至兵部侍

郎

明一
統志

袁燮字和叔慶元府鄞縣人淳熙八年登進士第嘉定二年七月知江州屬歲不登請於朝貸椿管錢九萬緡爲糴本告糴旁郡計口以糴市直頓平郡仰征稅以給燮謂薄征所以來商旅益損歲額無苛取無滯留至者大悅又謂周官幣餘居九賦之末亦足用一端於是窒滲漏稽餘羨用以無乏訓習師旅師种世衡教射法以銀爲的中者給之每都試卒伍第其能以賞自是州兵皆善挽强峒寇鴟張燮告副都統制劉元鼎令以重兵壓賊賊果降四年除提舉江西常平茶鹽十月兼權隆興府上言苛暴之政朘削邦本詞甚切累官煥章閣學

士據真德秀集補

趙善璚字德純徽州歙縣人宗室子登嘉定元年進士第由大理評事改宣教郎知武甯縣事置貢莊造淨梁士民德之累遷知江州值水澇米價騰踊善璚於諸路糴米三萬餘斛分撥諸邑米價減半閭郡得更生上嘉其績增秩因任尋召爲刑部郎以疾畀祠卒

據新安文獻志補

潘自中字時父處州松陽人爲江州司理吳中鹽商以事牽連就繫吏承上意欲加罪以沒其資自中曰入人之罪以媚人吾不忍爲也力昭雪之州部將二人以軍賦牴牾繫獄統戎者以夙憾欲致之死自中走白府深明其誣二人者皆得免

據浙江通志補

趙卯發

舊志作卯發誤

字漢卿昌州人

一作昌元人

登進士第知彭

澤縣事政尚寬平以忠孝節義勵俗奸暴為民患者則痛懲之後擢池州通判元兵陷城不屈死追贈忠毅侯

宋無名氏昭忠錄

九江府志

謹案舊志有葉義問魏了翁二傳義問改列饒州府了翁改列統轄

元

曹靖國大德中為彭澤尹政簡而廉制作以漸修譙樓

新縣廨平官道飭水驛葺城隍之廟復淵明之祠民感

其德立惠愛亭志焉

一統志彭澤縣志

馮克敏一作克敬字彥達漢人一作清人延祐間為彭澤簿修

廢舉墜景仰賢哲嘗刊狄梁公陶靖節碑及鑄小孤山

鐵柱民稱其能

嘉靖林志彭澤縣志

王大中為江州總管至元二年大饑大中貸富民粟以

振貧民而免富民雜徭以爲息約年豐還之民不病饑

據文行遠潯
陽蹠臨補

王國輔魯人至元閒爲彭澤尹初至值水旱相仍民以
歉告國輔憂之不數口髭鬚爲白抗疏乞免民租詔特

聽許

嘉靖
林志

陳元愷字時舉鳳翔人至正閒爲江州守尊學表儒復
狄梁公廟葺魏文靖廬崇濂溪周子之墓士林宗之稱

爲損齋先生

嘉靖
林志

李黼字子威潁人也泰定四年以明經冠多士授翰林
修撰拜監察御史轉江西行省郎中至正閒授江州路
總管十一年夏五月盜起河南北據徐蔡南陷蘄黃焚
掠數千里造船北岸銳意南攻九江居下流實江東西

襟喉之地黼治城濠修器械募丁壯分守要害且上攻
守之策於江西行省請屯兵江北以抗賊衝庶不與賊
共大江之險不報黼嘆曰吾不知死所矣乃獨椎牛饗
士激忠義以作士氣數日之間紀綱粗立十二年正月
己未賊渡江陷武昌威順王及省臣相繼遁舳艫蔽江
而下江西大震賊乘勝破瑞昌右丞博囉特穆爾原作字羅
帖木兒方軍於江聞之遁黼雖孤立辭氣愈奮厲時黃梅
縣主簿伊蘇特穆爾原作也孫帖木兒願出擊賊黼大喜向天
憑酒與之誓言始脫口賊游兵已至境急檄諸鄉落聚
木石塞險以遏賊歸倉卒無號墨士卒面統之出戰黼
身先士卒大呼陷陣伊蘇特穆爾繼進賊大敗江北六
十里鄉丁據險擊之橫屍蔽路殺獲二萬餘黼還謂左

右曰賊不利於陸必由水道以舟薄我乃以長木數千
冒鐵椎於杪陰植沿岸水中逆刺賊舟謂之七星椿會
西南風急賊舟數千果揚帆鼓譟而至遇椿不得動進
退無措黼帥將士奮擊發火翎箭射之焚溺死者無算
餘舟散走行省上黼功請拜江西行省參政行江州南
康等路軍民都總管便宜行事已而賊勢更熾西白荆
湖東際淮甸守臣往往棄城遁黼守孤城提孱旅斬馘
扶傷無日不戰中外援絕二月甲申賊將薄城分省平
章圖沁布哈自北門遁黼引兵登陴布戰具賊已至甘
棠湖焚西門乃張弩箭射之賊趑趄未敢進轉攻東門
陷之黼與巷戰力不敵揮劒叱賊曰殺我無殺百姓賊
自巷背來刺黼墮馬與從子秉昭俱罵賊而死郡民間

黼死哭聲震天相率具棺葬於東門外黼死踰月參政
 之命始下年五十五事聞贈撫忠秉義效節功臣資德
 大夫淮南江北等處行中書省左丞上護軍追封隴西
 郡公諡忠文詔立廟江州贈額曰崇烈元史忠義傳
 張士熙字君美莒人至正中為湖口尹寬徭役樹風教
 煩苛悉除奸宄屏息民勒碑頌之據一統志及湖口縣志補
 謹案舊志有黃德隆傳德隆已見寓賢此為重出今刪

明

黃安泰湖廣蘄州人洪武元年知彭澤縣事會兵燹後
 百度隳弛安泰開闢跋涉身勞民事以廉勤為政治具

畢張嘉靖
林志

傅道字士行浙江錢塘人洪武中任德化縣丞清介自

持攜二童隨任時僞漢初平人心未定道盡心撫綏流
仁盡復卒於官貧不能歸遂葬城東欽天山麓

嘉靖林
志

江通
志

鄭思賢東安人洪武二十三年任德安知縣以廉仁稱
秩滿邑民上疏留之復任九載政治如初卒於官

九江府志

孔復字士亨博興人永樂初以御史出知九江府政號
廉明剛柔兼濟清釐案牘吏無所容奸田疇大開民生
樂遂至今猶頌其賢

明一
統志

王銘建安人永樂中舉孝廉知德安縣事豈弟樂易民
不忍欺先是邑有虎患銘齋禱城隍神一夕雷擊虎於

縣西之箬山隴

一統志
德安縣志

潘貴福建侯官人永樂中任德安典史邑不習紡績夏

稅苳布困於歲輸貴請改輸綿至今稱便

九江府志

求炎字信圭浙江新昌人宣德中授九江通判莅政務崇寬厚禁民淫祀時敕建天池寺督役者擾民民訴於炎炎遂躬督之赴工者欣然忘勞歲歉勸富民出粟振

濟民賴全活

嘉靖
林志

劉仁宅字廣居陝西華容人由鄉舉知瑞昌縣事流民千餘家匿山中邏者索賂不得誣民反眾議加兵仁宅單騎招之民爭出訴遂罷兵擢廣西副使

明史劉大夏傳
舊志原

案林志載仁宅下車首陳三疏蠲赤湖虛課二萬緡免舊欠蘆柴十餘萬完逋稅數千石

馬驄字馴良廣西臨桂人正統間知德化縣事廉慎不私以學校農桑爲務甘棠隄歲久浸壞驄發以巨石植柳於隄上以護之升工部主事未去卒於官民爲葬廬

山之麓

一統志
嘉靖林志

鄧周字文郁廣東連州人監生景泰間爲彭澤令邑多虎周曰其咎在令乃禱之城隍神虎引去又多火災教民以陶易茅火患遂息

彭澤縣志

謝昶湖廣黃岡人正統十三年進士天順三年知九江府事莅政公勤撫民惠愛聽訟以人情處分不拘於律時多以循良目之以憂去民不忍舍官至右副都御史

明一統志
九江府志

安永直隸邯鄲人天順中任九江府同知廉慎勤勞不尙刑威而人自服修甘棠湖隄以防亢旱構思賢橋以便往來在任六年卒於官

九江府志

董紱湖廣麻城人天順末任湖口知縣居官清慎課士

惠民縣南蘇觀渡水齧隄壞紱率眾築之行者歌吟於

道

九江府志
湖口縣志

常完字景裕南直隸山陽人監生成化初知彭澤縣事

廉明公正嘗建議移龍城驛於小孤山遷峯山磯巡檢

司於燕支港減編馬船首戶分割鄱陽地界事雖未行

識者避之

明一統志
完舊志誤作

九江府志
常元據府縣志

謹案常
志改正

童潮浙江慈谿人成化十一年進士宏治初任九江知

府公勤仁恕濟以文學九江故無志潮始輯修卒於官

有遺愛焉

九江府志

周津字文濟浙江慈谿人成化二十年進士宏治中知

九江府事有理劇才視民瘼如切己在任一年徭役均

詞訟簡鹽法通買補軍伍之弊盡革會瑞州盜起以津

廉明強幹調守其地至官白都御史林俊謂宜用東漢
聽盜相斬除罪法林從之盜果平官至廣東左布政使

九江府志
浙江通志

高友璣字肅政浙江樂清人宏治三年進士以刑部郎
中出知九江府持身謙謹決事嚴明不輕斂一錢而亦
無妄興之役整綱率屬通商惠工治爲十三郡之最官

至南京刑部尙書卒諡襄簡

廬九江府志
萬曆溫州府志補

王春嘉定人舉人宏治十六年知德安縣事性清廉長

於治事有興作出俸以給不傷民財治盜賊尤嚴鞠實

卽置之死境內肅然去之日攀轅者塞道

嘉靖林志
九江府志

李從正字時中直隸蔚州人舉人正德中由禮部郎中
出知九江府事練達有爲不避權勢興革區畫咸有當

於人心時流賊縱橫從正多方捍禦卒不敢犯後以老

乞歸

據九江府志補

黃源字子通福建閩縣人舉人正德閒知瑞昌縣事端

謹沈毅有介節不爲事物屈撓邑故無城亟請於上鳩

工營築不日落成其他興利祛弊政績丕著

統志謹案黃源

府縣志作黃源大

王敞字元亮南直隸泰州人舉人正德中任九江府同

知政尙寬平通練時務先是清戎籍者多勒里胥買補

民苦之敞惟以見戶查報不尙苛細民亦鮮有隱情賞

權權政及廣信府事盡心厥職廉潔自修所在皆稱治

據九江府志補

陸郁字文盛浙江西安人歲貢生任湖口知縣時值宸

濠之亂州縣被收印篆郁佩印死守卒免卻漁船常例
金秩滿啟行糧長積每歲常例二百金餽以供路費毅
然拒之在任八年每食蔬素人稱陸青菜云

據九江府志浙江通

志補

蔡元偉福建晉江人舉人嘉靖五年知德安縣事縣故
衝疲元偉多方拯恤申革潯陽支應力請協濟民困以
蘇折獄勦寇治聲卓然遷杭州通判再遷撫州同知

九江

府志德安縣志

藍淦字可虛福建閩縣人舉人嘉靖十二年知湖口縣
事素性清苦以課士勸農爲務嘗夜半微行見二婦績
久而飢計家中無可爲食獨有酒一罌兩婦存其清者
飲客而以濁自飲至底無濁置酒嘆曰是酒一清澈底

有如藍君矣翌日召兩婦勞之曰績至夜分勤也飲濁存清禮也無濁而終不飲儉也以婦人而知賢其上義也厚賜之巡按御史至立清廉貪酷四表令屬吏自揣其行立表下眾莫敢措步淦攝衣直趨廉字下御史曰藍令之賢尙未止此當更進一步卽以嶺北一人薦之後遷去民遮道攀轅甚眾

安志

程鳳金湖廣黃岡人嘉靖鄉舉知彭澤縣事獄無冤滯庭絕請謁景王就藩道彭澤鳳金不科派而供帳廚傳皆辦有廉能聲後調去

九江府志

沈詔字龍洲浙江仁和人舉人嘉靖間任湖口知縣縣故無城詔目擊調兵之擾條上八議當事咸是之逾年城工成又輯縣志置禮器百廢具舉政績偉然

安志

朱公節字允中浙江山陰人舉人嘉靖間授彭澤知縣時海寇竊發公節日閱士卒修城守寇不敢窺先是屯軍雜居境內蔑視令長有爭訐輒走上官公節令每屯若干出操軍一丁班分之束以伍法給之餉使屯小孤山并分守縣四門同民兵訓練自後始就縣官約束軍

民一體云

九江府志

鍾卿廣東東莞人嘉靖八年進士知九江府事七年多善政以清操自持臘月解任猶衣葛初擬築南門新壩費無所出後任山西布政使齎千金爲九江築之九江府志吳淞字秀東浙江秀水人舉人任九江府同知湖口關當水衝商舶多壞淞曰豈以錐刀之利而傷民命乎請於觀風使者議革之商大稱便已遷福建鹽運司同知

據浙江
通志補

高裕應天溧陽人舉人嘉靖末知彭澤縣事邑戶多虛糧賦役偏累裕丈均之作清田紀錄綱列條晰由是催

科得無擾

彭澤縣志

殷乾南直隸吳縣人舉人嘉靖四十五年任德安知縣清介自持嘗奉檄修城應支夙羨一千有奇皆百姓積負乾按都鄙責民以工償之免前逋民甚稱便歲饑水溢勸富民出粟以貸又乘舟載穀以濟之存活者眾

德安縣志

德安縣志

張應治字體徵浙江秀水人嘉靖四十一年進士任九江知府首復軍餉議條鞭緝治盜賊會歲大侵流民相攜入境應治以便宜發廩振之全活甚眾萬厯初舉卓

異升臨清副使

據浙江通志補

俞汝爲南直隸華亭人隆慶五年進士任德化知縣濱江有封郭洲民田其中歲苦水溢汝爲築隄數千丈以絕產變價爲之不煩公私人享其利又改里甲爲條鞭分限納銀民尤便之

一統志九江府志

李得陽字伯英南直隸廣德人嘉靖四十四年進士隆慶閒知九江府事荏苒警息百度修舉厯升湖廣巡撫

江南通志

葉朝榮字良時福建福清人恩貢生萬厯閒任九江督糧通判潔己恤民逋賦畢登佐權關稅秋毫無所染臺使者賢之數令攝邑事瑞昌有饗河患爲鑿河以固城又修彭澤縣城爲西江屏障二邑人皆尸祝之擢任去

福建
通志

卷一百一十一 九十四府

施本德南直隸休甯人萬厯初由掾尉德安緝捕甚嚴

奸宄屏迹以清節著稱丁內艱士民遮道送之

安志

胡天祿南直隸祁門人萬厯初任德安主簿爲治精敏革催徵部運常例剖析疑獄丈軍民田修橋路營館舍

治縣事如其家然

安志

宋純仁字濂川南直隸長洲人舉人萬厯初任九江府同知有治才築桑落洲隄八千四百餘丈濬殷家灘疏達積水民免昏墊之患九江衛屯田積久生弊純仁稽故覈存考區定籍屯政一清建澄江樓於城東隅俯瞰長江蓄銳士以警夜鑿義井四使閭閻汲飲有資政行民大稱便

據九江府志補

劉鍾浙江烏程人歲貢生萬厯四年知德安縣事植弱

鋤强作問政堂思艱亭修輯邑志汲汲勤民築北湖缺

隄民深資其利

九江府志
德安縣志

趙一韓字滄雲南直隸巢縣人萬厯三十二年進士任

九江司理除奸蠹抑豪强明敏風厲時稅瑞恣橫一韓

裁抑之械其爪牙十數輩置之法仕至貴州憲副

江南通志

廖汝恆字密齋湖廣衡州人

謝志作
恆州

舉人萬厯間爲湖

口知縣奉檄丈量戴星履畝一秉於公民便之又於下

鐘山建立講堂顏曰大觀閣延豐城李材主講士從學

者甚眾

九江府志

謝廷訓福建晉江人萬厯間知德化縣事强毅有守不

以顏色假人戊子己丑浔饑民相劫廷訓躬至潯關坐

待米舫之下水者量多寡而平糶焉時申時行柄國吳商倚爲名廷訓并留之曰吾爲百姓宿恤一官竟以是獲罪去之日父老皆哭送之曰微公吾屬久爲餓殍矣

九江府志

吳秀浙江烏程籍南直隸吳江人隆慶五年進士萬厯間知九江府事城南地僻多盜秀始開南薰門闢地聚民以實之東南建甘棠湖開濬便商河及老鶴塘以泊商舟郡西通瑞昌造舟爲梁民不病涉嘗議以湖廣黃梅改隸九江於形勢最便竟格不行

安志 九
江府志

張紀字浣澗四川華陽人舉人萬厯二十六年令湖口廉明豈弟不趨權勢內監李道樞關商旅甚以爲苦紀條病商十四事密上撫按疏請之後罷李道撤湖口關

實紀首事也

安志 湖口縣志

孫同倫字汝明南直隸靖江人萬厯舉人知德化縣事
蠲例金蘇驛困築封郭桑落二洲石隄百餘里更置石
閘以洩潴水民永賴其利

江南通志

宋子恭四川榮經人萬厯間以歲貢知彭澤縣事蠲無
名之征罷非時之役有飲人以藥而攫其金者積十餘
年鄰里無能知一日子恭過其門鶴鶴自樓而下投袖
中子恭異之曰是必有冤訊之果得其狀置之法邑人
以爲神

安志

邢有忭山東昌邑人萬厯十四年進士知九江府事風
度偉然操持峻潔民執市中布爲所失盜賊訟繫之獄
株連多死者有忭驗布廣狹不類盡出之人服其明又

有訟盜牛者牛大小毛色同無以辨有忤齒別而歸其主亡何真盜發覺獲原牛訟者愧悔請罪其問斷皆類是

九江府志

李日華字君實浙江嘉興人萬厯二十年進士天啟開任九江府推官性仁愛刑不妄施署瑞昌縣縣苦支應馬價日華條悉具請得歲減三百兩有奇著有六研堂

文集

瑞昌縣志

白紹光字鏡臺南直隸武進人舉人天啟中任彭澤知縣居官清潔愛民禮士歲大旱紹光暴日哀訴大雨旋降苗槁復蘇秩滿擢吏科給事中

九江府志

蕭上達湖廣沔陽人舉人天啟間任德化知縣清慎慈和民樂其政時奉檄罷各書院改建魏忠賢生祠上達

獨持不報好文下士視一切世味泊如也

九江府志

李正春字瑤液南直隸太倉籍常熟人崇禎元年進士

任德化知縣耿介剛方愛民息訟歲大饑正春巡關遇

米艘下卽糴之徧設粥廠民賴以濟在任七年惟一奚

供使令而已

九江府志

趙三薦廣西全州人舉鄉試第一崇禎閒知瑞昌縣事

嚴毅有才智善捕盜賊鞠實必殺無貸凡殺真盜數百

人以事失官士民請復任以備流賊後升肇慶

府縣志作肇陳

諱府同知死於難

國朝乾隆四十一年

賜諡節愍

勝朝殉節諸臣錄九江府志

張懋謙字顧存浙江錢塘人舉人崇禎閒知九江府事

時流賊張獻忠陷蘄黃躡黃梅廣濟分兵掠九江界懋謙多方防禦民得安堵無何饑饉洊臻疫癘大作懋謙發粟振救施藥療病又築隄修閘以捍水治皆可紀

府志

彭永春湖廣武陵人崇禎十五年任九江衛經歷乙酉左良玉東下永春日官雖微受國恩不敢從賊具冠帶命一僕舉火焚署且大書於屏曰九江衛參軍彭永春死節處遂與其家男女六人俱焚死

湖廣通志

余士瑋字季美湖廣黃岡人崇禎十年進士風矩端嚴尺寸不苟崇禎末任九江府推官首禁爭鬪者不許置罵父母左良玉兵叛士瑋抗義不屈賊斷其左臂九江父老泣扶之出城越十日卒於匡廬之麓

一統志
湖廣通志
謝

志原案九江府志作余士常號巨平廬城人誤今府志作余士瑋號鉅平亦與進士題名碑不同

成啟字伯佑應天人以貢任湖口縣主簿乙酉四月左良玉兵圍城啟公服端坐於庭俄而賊兵奄至啟叱曰國家養爾將以靖亂何反亂爲賊猝之下索金不得遂

殺之

白志

謹案舊志有邵仲諱傳仲諱以戶部司官權九江關稅職如今之監督非府縣比舊志誤列於此今改入統轄

國朝

牛森直隸獻縣人順治三年知德安縣事邑處衝疲值歲凶森多方軫恤給種開墾勘荒蕪寬稅斂民賴以濟後以督餉致疾暴卒驛舍百姓哀之

九江府志

席敎事字覺海山西臨汾人順治三年進士六年任九江府推官賦性耿介民有妻殺婢而匿其尸反誣告婢

母家累審莫得其狀教事夜半默禱夢披髮婦泣訴覺而異之晨起復覈得其情遂委官至其家菜園內獲尸依律坐罪合郡頌神君焉行取刑部主事

一統志
安志

董襄字淡園河南湯陰人順治四年進士十三年任彭澤知縣廉潔不阿興利革弊免火耗除積盜活冤民建學課士善政皆可紀

安志
江府志
九

張僕字貞一直隸涿州人康熙五年任德安知縣邑舊多逋賦僕至洞悉其弊始復遞年舊制里役無專收賠累之苦建學宮置營舍橋梁祠宇罔不聿新後遷知州

去

安志
安縣志
德

江皋字在湄一字磊齋安徽桐城人順治十八年進士康熙初知瑞昌縣事瑞昌水舊繞城下後沖決改道城

無隍民且病汲前令趙三薦欲復未果皋至力請於上官先捐俸以爲民倡築隄濬壅使水復其故形勢益壯民居遂蕃升本郡同知歷四川提學興泉副使

九江府志

姚文燕字小山安徽桐城人順治十八年進士康熙八年知德化縣事縣俗健訟常以死者破人財文燕痛懲之刁風遂息兵燹後版籍無存豪猾吏胥因緣爲奸利田去糧存之患不可究詰文燕毅然以清丈爲己任乃度地形以增減定畝辨土五色以上中定則分圖列里撥甲平準爲籍若干儲架閣案如山屹由是邑糧無虛包隱漏之弊

德安縣志

江殷道字九同湖北漢陽人順治十五年進士康熙九年任九江知府下車值歲荒捐俸設粥不給乃袖蕨根

稊粒泣請於上官得存留公帑銀二萬二千餘兩米七千四百餘石以振存活甚眾修學宮輯郡乘築李隄增培城堞廢墜靡不舉云

九江府志

金光房字天駟江南全椒人順治十六年進士授九江府推官嘗辨邏卒私鑄之誣又建屋以棲降兵使民不擾仁明之譽甚著裁缺歸圖書一篋而已

江南通志

楊大鯤字陶雲江南武進人順治六年進士少負文名工詩賦書法由庶吉士左遷新建縣丞兩署縣事有循吏之風築楊子居於湖濱遂成名勝擢九江同知就升知府時滇閩叛寇內訌江西號多事大鯤務鎮靜省訟理冤判案明速告訐之風頓息嚴率屬勤訓士勸農勸課築隄捐振善政以次行焉升湖廣下江防道厯山東

按察使

舊志 九
江府志

吳升東字巢薇湖北江夏人順治十六年進士康熙中任武昌知縣邑故多盜長吏莫能治升東請於上官用以盜攻盜之策擇從賊之稍馴者許令捕賊自效於是盡知諸盜窟穴獲卽斃之杖下凡殲渠魁三十餘人盜不敢復肆民乃安行取主事歷官監察御史

九江府志

甯維邦字新周漢軍鑲藍旗人康熙二十一年授德化知縣行次潛山縣界聞征滇回師將過九江維邦疾馳赴任軍士有射殺人者走匿舟中維邦廉得之請置於法自是過者秋毫無犯先是徵糧責成里長奸猾乘機侵蝕弊端日滋維邦請勒碑永禁民困始甦以病卒於

官

一統志
德安縣志

朱儼字恆齋順天大興人廕生任九江知府至官卽絕苞苴革陋例捐俸修理學宮葺濂溪書院改創公署以盜案註誤將罷官士庶合詞乞留得復任旋值歲饑請米賑濟民多賴之儼清廉慈惠深識大體在九江二十三年以老病罷及卒歸櫬無資士民痛哭爲之助九江府志吳士宏字階士福建侯官人舉人康熙三十八年知彭澤縣事請除耗羨嚴苞苴餽賂之禁上官以素履端方

居官廉慎疏舉之尋乞假歸

福建通志

陳夢盛江南合肥人舉人康熙四十八年知彭澤縣事邑大水夢盛傾資助賑饑黎獲生去後民思其德奉栗

主城隍廟側歲時享祀不衰

九江府志

劉進字子修順天大興人貢生康熙五十三年知彭澤

縣事時吏治積弛上下因緣爲奸訟風甚熾進下車首
除積蠹寬株連之民嚴反坐之法習遂革姿性明決判
牘如流閒有過差察知卽自平反不少怙尤人所難解
官日不名一錢至不能歸里云

彭澤縣志

朱奇政字平齋湖南長沙人舉人雍正二年由福建同
安知縣調補湖口旣至銳意爲治自平明至夜分不輟
時邑多盜竊奇政稽戶口嚴捕役盜無所容性敏決旦
坐堂皇判民詞百十紙頃刻而畢馭下甚嚴小事令鄉
保或訟者自傳喚至卽斷決不妄役一差民有卒訟無
分毫費者在官未二年積蠹之風一變

九江府志

李宗瀚湖北石首人雍正七年知德安縣事縣故有兵
米無丁糧每值徵收升合奇零民深以爲苦宗瀚請改

徵折色其弊遂除又請帶徵屯田餘租以省擾累民深蒙其利在任六年以憂去

九江府志

趙作霖字時若直隸薊州人舉人雍正十二年任湖口知縣卻餽獻革行差徵糧視其鄉所產先後之以紓民力訟無小大必以情訊鞠恆至夜分左右侍堂皇者非問不敢發聲弊無所容故獄無不治在官六年頌聲溢於閭巷及去任代之者感其得民遂亦以廉惠著

九江府志

湖口縣志

黃增厯字發亭安徽歙縣人監生雍正十三年任瑞昌知縣治民聽訟一以仁恕馭胥吏尤嚴一時奸猾之徒皆聞風斂迹邑西南田畝向苦水患增厯親察災傷蠲逋除耗民咸德之

九江府志

李松泰字介石順天大興人監生乾隆元年知彭澤縣事執法嚴明判斷平允邑有佔官洲爲民害者松泰詳請復舊邑人德之在官十三年免坍糧立社倉修城垣

議建書院仁風惠政至今口碑猶載道焉

九江府志彭澤縣志

崔澮山西襄垣人舉人乾隆十一年知德安縣事莅任

值歲歉詳請蠲糧一年格於例不果益勤撫字與民相

休息尋以他故改官去之日士民奔走泣留有昔受責

者尤先眾往或詰之曰此公心鐵石吾從公道留之又

何憾

九江府志

秦錫琚山西曲沃人雍正十一年進士乾隆十二年知

興安縣有廉聲十六年調知彭澤縣事時數易令長案

牘塵積錫琚精勤檢閱中夜不休昧爽起視事日判結

四五俱無遁情不三月庶務咸理嘗因公往鄉裏飯自隨士紳具食邀之堅不往以勞卒貧不能歸邑人咸賻

助之

廣信府志
彭澤縣志

許萬玠湖南巴陵人監生乾隆二十五年知湖口縣事性果決莅事勤明邑奸民多藉命誣訐當之者率破家萬玠遇案卽爲訊結或檢視畢就屍所鞠之獄無所淹民乃不累邑父老交頌其賢

九江府志

周千里字蕪洲浙江山陰人乾隆二十七年知德化縣事二十九年大雨水濱江隄決千里殫心撫恤活民無算先是春夏水驟漲民不及防麥盡損千里計申請始賑則已無及乃先發倉廩以濟然後具聞其後封郭三鄉之有賑自千里始暨乾隆三十一年邑復大水赤松

白鶴德化仁貴四鄉以濱湖無隄受患獨切舊例無賑
縣令吳文正詳請賑恤後亦循以爲例文正字景范雲
南會澤人監生廉明有惠政名與千里相亞云九江府志
汪文光安徽績溪人舉人乾隆四十七年署湖口縣事
性仁慈不尙谿刻決獄多以婉言諭之獨治奸民及盜
賊甚嚴獲則懲之不少貸寬猛交濟民以爲若古之遺

愛也

湖口縣志

陳昌祚湖南祁陽人舉人嘉慶七年署德化縣事聽斷
明允無留獄亦無冤刑人或干以私則毅然弗受邑胥
多狡獪舞文終昌祚任無敢爲奸利者九江府志

方體字道坤一字茶山安徽績溪人乾隆五十五年進
士由刑部郎中出知九江府性廉介地方之事知無不

爲桑落鄉有洲地數百畝奸民覬其利日構訟體判歸
濂溪書院爲諸生膏火資訟遂息郡城爲文報衝途出
南關十里至通遠驛中多澗河舊設浮梁圯於水體捐
廉爲士民倡改甃以石不日成之往來者稱便湛深經
術課士以澄心希古篤於學問爲主每都試衡文親第
甲乙或呼諸生至案前指說優劣藹然如師之課弟而
所評騭無不公以是士林嚮風文學蒸蒸丕變焉體官
刑部久練習刑名判案明速有疑獄必予平反豪猾皆
惴伏久之里巷談議或時附會其事以爲神人在任十
餘年政平訟理暇輒臨覽山水嘯歌寄情嘗祈雨至廬
山得隙地天池之麓構屋三楹爲公餘游息之所名曰
茶山草堂後人愛之如甘棠之思召伯云累官至湖北

按察使著有儀禮今古文攷正儀禮古文攷讀綠雨山

房詩文集

九江府志 彭澤縣志 安徽通志 胡培 並研六室文鈔

王鍾瑞山東諸城人舉人嘉慶十一年署湖口縣事莅事精明斷獄平允奸民擾害閭里者至案卽坐之尤嚴盜賊之禁盜爲止息在官歲餘民安吏瘠至今稱善治

焉

九江府志

吳名鳳字竹庵直隸甯津人由舉人大挑知縣發江西補東鄉令有循良之譽道光五年調知德化縣事下車後恩威並濟釐弊除奸一時豪猾皆屏息會江北旱蝗蔽天名鳳渡江率鄉民捕之蝗集捕者銜嘴立盡次日督捕如前躬荷笠擁帶農無男婦悉從之西風猝發沙霧障空數時許蝗皆隨風立盡人以爲至誠所感云

九江府志

府志 謹案名鳳後擢饒州府同知署饒州九江府事
景德鎮商賈輻輳無賴者潤迹其中名鳳捕治之地方
大靖訟獄早決試卷親裁其令東鄉時
亦多惠政俱見饒州府志東鄉縣志

孫士珪順天大興人道光七年任彭澤縣馬當巡檢巡

檢故聞曹每假訟規以自潤士珪至獨不受贖曰若理

長就父老質之可已訟何爲者訟者聞之皆感泣又有

韓熙者字午樵浙江蕭山人道光末任彭澤縣典史寬

和有惠政亦卻訟規不受同治五年卒於官

九江府志

王廷瑞字輯夫直隸大城人咸豐二年任德安典史年

甫弱冠三年七月粵賊偪縣城廷瑞與訓導劉芳槐等

分道堵剿卒以眾寡不敵而敗賊入署問官何往廷瑞

怒曰我卽典史也督勇勦若輩 大兵且至不日盡殲

汝遂遇害事

聞卹蔭如例

江西忠義錄 九江府志 德安縣志

洪漳字裕堂浙江會稽人

縣志作山陰人

咸豐初任德化縣典

史三年賊自金陵上竄越湖口圍南昌九江距湖口六

十里總兵奉調援省城郡中文武官皆遁漳獨留不去

及賊至見惟典史居署中異而詢之漳拔刀倅起斫賊

爲賊執斷指抗聲大罵遂遇害投其尸於江縣人建祠

祀之

江西忠義錄 德化縣志

謹案謝志有崔榆奇傳榆奇以兵部郎中爲九江關監督非府縣親民之官今改入統轄

江西通志卷一百三十二